

MBEWU NTHA NJIHALIRI

PAMOZA NA CHIKANTHA



Tiyeni tiyimirire ntheura pa nyengo ya lurombo. Tiyeni tisindamiske mitu yithu.

² Chiuta wakutemweka, ise tikutora uwu kuŵa mwaŵi ukuru, usiku uwu, kuŵa kuno pa mwambo uwu, kuti ndipereke Khristu wamoyo ku charu icho chikufwa na muwiro uwo ukufwa.

³ Ise tikuromba, Fumu, kuti Imwe muphakazge mazgu ghithu na kuyezeska kwithu, kuti ivi nthu viwererenge kwa Imwe pawaka, kweni tikuromba ivi vikwaniriske cheneicho ivi viri kuŵirako.

⁴ Vwirani mwanarumi waliyose, mwanakazi, mnyamata, panji msungwana, muno usiku uwu, uyo ngwakusoŵerwa. Ndipo, Wadada, ise tose tikumanya ndise ŵakusoŵerwa. Ndipo para ise tikuruta, usiku uwu, nkhuromba ise tipulike mu mitima yithu ngati ŵara ŵakafuma ku Emausi, pamanyuma pakuti . . . ŵakati ŵachitira ukaboni chiwuka cha Khristu, kuti, “Kasi mitima yithu yaphyanga chara mkati mwithu apo Iyo wayowoyanga kwa ise mu nthowa?” Perekani ichi, Fumu.

⁵ Chizgani ŵarwari na ŵakukomwa. Ntha waŵepo munyake wakulopwa pakati pithu para chisopo chamara usiku uwu. Ndipo kuruska vinthu vyose, nkhuromba nthu waŵepo yumoza wambura kugomezga wakhaleko, Fumu. Nkhuromba iwo wose wagomezgere ku Umoyo Wamuyirayira, pakuti icho ndi chirato chithu cha kuwunganirana muno.

⁶ Vitumbiko ivi ise tikurombera ku ntchindi za Ufumu wa Chiuta, mu Zina la Yesu Khristu, Mwana wa Chiuta. Amen.

Mungakhala pasi.

⁷ Ntchiweme, usiku uwu, kuti tafikaso kuno. Ndipo ine nkhuwona tiri na ŵachoko ŵayimirira zingirizge, ndipo ine nkhughanaghana a—mafoni ngakujura sono, ku misumba yinandi yakupambanapambana sirya la charu; San Francisco, Tucson, kumtunda kuvuma. Ndipo ise, kwizira mu telefoni, tikutumizga monire kwa iwo. Ise tiri mu nyumba ya kusoperamo kuno usiku uwu. Ndipo nyumba yikuru ya kusoperamo yazura chomene, na zinthowa; na mumphepete mu viriŵa, mwazura na ŵanthu ŵayimirira. Ndipo ise tapulika kuti namachero usiku ise tizamuyezga kuti tijure chigaŵa chinyake uku, ku nyumba yakuseŵereramo, na kusanga nyumba yikuru ya kusoperamo umo muzamunjira panyake masauzandi ghaŵiri ghakusazgirapo gha ŵanthu. Ntheura ise tikugomezga icho, namachero usiku.

Usange iyi yazura usiku uwu, usiku wakudanga, chifukwa, ise tikugomezga lizamkuwa likuru namachero usiku. Ndipo ine nkhuwona iwo wa wikamo mipando yakusazgirapo, na chirichose, chinyake, usiku uwu.

⁸ Ise tiri pasi pa kukhazga kukuru chomene; chakudanga, Kwiza kwa Fumu Yesu; chakurondezgako, chiponosko cha... ku mauzima ghakutayika agho ghangamanya kumupokerera Iyo usiku uwu na kuwa wakunozgekera Kwiza Kwake para Iyo wakuwonekera.

⁹ Ine nkhuhumba kuti ndipereke monire wapadera na kupokerera wanarumi wose awa pa gome, cheneicho ine ndaphalirika wanandi wa iwo mbapharazgi. Mahandiredi ghawiri, panji kusazgirapo, wakhala pa gome, ndipo ise tiri wakuwonga nadi kuti iwo wali pano.

¹⁰ Kwa mose mwa wanthu imwe, palipose imwe muli, mu viga wa vyakupambanapambana vya charu... Ndipo ine ndaphalirika kuti wanjali wali muno wakufuma kusirya kwa nyanja, sirya la nyanja. Ntheura ise tiri wakuwonga kwa imwe kuti muli kuno kuti mukondwere na wenenawene uwu na ise, cheneicho ise tiri pasi pa kukhazga kuti Chiuta watipenge ise mu ungano uwu.

¹¹ Chikuwoneka ngati, kuti kufumira apo ine nkhanghanaghana za kwizaso pa mazuwa ghachoko agha gha ungano, kuti mtima wane ndamwene uli kuchuruskika mwachilendo na kapulikiro kakuru kuti chinyake chiri waka pafupi kuchitika. Ine nkhumanya waka chara kasi ichi ntchichi, kweni ine nkhuomezga kuti ndi uvumbuzi ukuru kufuma kwa Chiuta, uwo a—utinozgerenge ise na kutipanga ise weneke wawemiko wa Ufumu Wake apo ise tikuyenda mu charu ichi cha mdima wa kwananga na kuwura kugomezga.

¹² Malo agha usiku uwu, nkhanira agha, ghakundikumbuska chinthu chikuru ine. Kufumira apo ine nkhamanyira kuti iwo wakazenga nyumba yakusoperamo iyi ya sukulu kuno, ine ndiri kukhumba kuwa na chisopo mu malo agha. Ine ndiri wakuwonga chomene ku gulu la walarawalara wa sukulu na kwa iwo awo mwauchizi wakatizomerezga ise kugwiriska ntchito agha.

Paka wa pa malo agha, nkhanira pafupifupi malo panyake apo nyumba iyi yayimirira usiku uwu, kuti chinthu chikuru chikachitika virimika vinyake sate vya jumpha, nkhanira pa malo gheneagha. Ghaka wa ghanyake chara kweni munda wa vithanyero nyengo yira. Ndipo ine nkhalalanga mu kanyumba kachoko kusirya waka uku, pafupifupi mayadi thu handiredi. Ine nkha wa wakukhwaskika chomene mu mazuwa ghara za chiponosko cha adada na amama wane. Cheneicho, iwo wose wawiri wali kuruta usiku uwu. Ndipo chomenechomene, mu nyengo yira, ine nkha wa wakukhwaskika na za adada wane.

Ine nkhekumbukira, ine nkhegonanga pa khonde. Kukaŵa kwakufunda, nyengo ya chihanya.

¹³ Ichi chiri kulembeka, ine nkhegomezga, mu kabuku kachoko kakuchemeka *Yesu Khristu Mweneyura Mayiro, Muhanyauno, Na Muyirayira*, panji panyake ichi chikaŵa mu kabuku kachoko kakuchemeka *Ine Nkhaŵa Wamtafu Chara Ku Mboniwoni Ya Kuchanya*.

¹⁴ Ndipo chigonere pa khonde, ine kwamabuchibuchi nkhwukiskika, ndipo kunyekezgeka kukiza pa mtima wane za adada ŵane. Umo, ŵanthu ŵanandi ŵa imwe ŵa msumba mukaŵamanya adada ŵane. Ine nkheghanaghana iwo ŵakaŵa munthu wakuzirwa, nangauli iwo ŵakaŵa ŵakwananga. Ndipo, kweni iwo ŵakaŵa na chizgoŵezi chiheni, kuti ine nkheyezga kususka chinthu chira mwankhongono umo ine nkhamanyira kuchita, mu nyengo yose, chira chikaŵa, kumwa. Ndipo usiku ula iwo ŵakamwanga. Ndipo ine nkhwuka ndiri na kunyekezgeka kukuru pa mtima wane za iwo. Ndipo na malaya waka ghane ghakugonera, nkhekhozga buruku lane, shati yane yakugonera; ine nkharuta kuwaro mu munda wa vithanyero, uko pafupifupi iyi yiri sono, ndipo ine nkhegwada pasi kuti ndirombere adada ŵane.

¹⁵ Ndipo apo ine nkharombanga na kumufumbanga Chiuta kuti waŵaponoske iwo ndipo ntha kuti—kuŵazomezga iwo kuti ŵafwe ŵakwananga, kuti ine nkhaŵatemwa iwo; ndipo apo ine nkhaŵa mu lurombo, ine nkhauka kuti ndilaŵiske kurazga kuvuma kufuma pano, ndipo kukaŵa mboniwoni. Ndipo wakayimirira waka pachanya pa ine, ŵanandi ŵa imwe mukuyimana mboniwoni, wakaŵa Fumu Yesu.

¹⁶ Sono, ine ntha nkhechuruka na fundo zautesi, umo ine nkhumanyira. Kweni mboniwoni ziriko. Ndipo apo pakayimirira Fumu Yesu, nyengo yakudanga ine nkhamuwonapo Iyo mu mboniwoni ya mtundu ula. Iyo wakaŵa waka pafupifupi, o, panyake mafiti teni pachanya pa ine, wakayimirira m'mlengalenga, na rundi waka limoza kupanganga sitepu. Iyo wakavwara chakuvwara chituŵa, chilesi kuzingilira mulwandi mwa ichi. Iyo wakaŵa na sisi lakufika mu mapewa Ghahe. Iyo wakawoneka kuŵa pafupifupi, Mwanarumi pafupifupi icho Baibolo likati Iyo wakaŵa, pafupifupi sate. Kweni, muchoko, Munthu musekere chomene, muchoko chomene, wakawoneka ngati kuti Iyo ntha wakaŵa na uzitu wakujumphu handiredi na fifite paunzi.

¹⁷ Ndipo ine nkhalawiska, ndipo ine nkheghanaghana kuti pakaŵa chinyake, kuti ine panyake nkhanangiska. Ntheura ine—ine nkhepikinyira maso ghane ndipo—ndipo nkhalawiskaso kuchanya. Ndipo Iyo wakayimirira ngati cha kumphepete nthena, ngati kuwoneska chisko Chake cha mumphepete. Ndipo mawonekero gha chisko Chake, cheneicho ine nyengo

zose nakhala nkchuchiwona mu mboniwoni, chiri kuwa ngati chakujambulika na Hofmann cha mutu wa Khristu pa msinkhu wa virimika sate. Ndicho chifukwa ine ndiri na icho mu nyumba yane, pa mabuku ghane, palipose ine ningawikapo icho, chifukwa umo ndimo ichi chikawonekera, chomene ngati ntheura. Kweni, wakawoneka kuti wakaŵa muchoko.

¹⁸ Ndipo apo ine nkhalawiska muchanya kwa Iyo, ine nkhanghanaghana, “Nadi ine nthawiska kwa Fumu yane yayimirira apo.” Ndipo ine nkhaŵa ngati kuti, ine ndiyowoye kuti, mu kayimiro *aka*, ndipo panyake nkhanira apo *ili*, kusi apo gome ili liri sono. Pamalo ghanyake, pakaŵa nkhanira kuzingilira chamudera umu, mkatikati, na mtunda kufumira pakatikati apo ine ndayimirira, kupima kuweme chomene ine nkhamanya kuchita, mkatikati mu mayadi fote panji fifite chamudera munyake mu chigaŵa ichi apa, chizingirizgo ichi.

¹⁹ Ndipo ine nkhalawiska kuchanya, ndipo Iyo wakayimirira apo. Ndipo ine nkharuma munwe wane, kuti ndiwone usange ine nkhaŵa mutulo. Imwe mukumanya umo iwe. . . Chikuwoneka ngati ichi chikaŵa ntheura chara. Ndipo ine nkhaŵa waka mwanichi mu Fumu panyengo yira, pafupifupi myezi sikisi ine nkakhala nkpharazga. Ine nkharuma munwe wane. Ine nkhatara kakuni ka chithanyero ndipo nkaphyora aka. Ndipo wanandi wa imwe mukukhala mu charu, mukumanya kakuni kachoko kala kakupokonyorera mu mino, kantheura, kali mu makuni gha vithanyero. Ine nkhayamba kusumba aka. Ndipo ine nkhati, “Ichi nthawiska—ichi chingaŵa ntheura chara. Ine nkholota. Apo pali nyumba yane. Apo pali adada, amama, na wana apo. Apo pali chiziŵa chakale cha njerwa icho kale chikaŵa kusika uku, uko ine nkhatemwanga kuzengera mabaka, pafupifupi waka mayadi thu handiredi kujumpha ichi. Ndipo apa ine ndayimirira mu munda; ichi chikwenera kuwa mwantheura.”

²⁰ Ine nkhatichaya pasi, nkhatichaya marundi ghane pasi pachoko, ndipo nkhapukunya mutu wane, ndipo—ndipo nkhaŵika pamoza mawoko ghane, nkhalawiskaso kuchanya; nkhalawiska kumphepete, nkhalawiskakoso, ndipo apo Iyo wakaŵa, wakayimirira apo. Ndipo mphepo yikayamba kuputa, ndipo ine nkhawona makuni gha vithanyero ghakuputa. Ndipo para kukati kwayamba kuputa, malaya Ghake ghakuputa na iyi. Ngati ndiumo malaya ghakulenderera pa chingwe, ichi chikayamba ku—kugadabuka. Iyo wakayimirira apo. Ine nkhalawiskako.

²¹ Ndipo ine nkhanghanaghana, “Usange ine ningachita waka kuti ndichiwone chisko Chake!” Ndipo Iyo wakalawiskanga kuvuma, nkhanira kudera *uku*. Iyo wakalawiskanga ichi, mwachitima. Ndipo ine nkhaszegeka, kuti ndizingilire, kuti ndichilawiskire pafupi chisko Chake. Ndipo kweni ine nthawiskanga makora chomene Iyo. Iyo wakaŵika

mawoko Ghake kunthazi Kwake, wakabisika mwantheura kufumira uko ine nkhayimiranga.

²² Ine nkhassezgekaso nkhezgilira. Ndipo ine nkhakhosomora, chinyake ngati ichi, nkachita, “hum,” kuti ndiwone usange ine ningakopa tcheru Chake. Kweni Iyo wakasezgeka chara.

²³ Pamanyuma ine nkhanghanaghana, “Panyake ine ndimucheme Iyo.” Para ine nkhati, “Yesu,” Iyo wakang’anamuska mutu Wake. Ndipo para Iyo wakati walaŵiska kwa ine, Iyo wakatambazura waka mawoko Ghake. Ndicho chekha ine nkhekumbukira. Pakuti, pafupifupi mukuŵara kwa zuŵa, ine nkhaŵa nkhanira kuwaro uku kumalo kunyake uko malo agha ghali sono, mu munda; laya lane lose lakugonera likazumbwa na masozi, uko ine nkakhala nkulira. Ndipo ine nkhaŵa kuti ndakomoka waka.

Chisko Chake chikaŵa na mawonekero agho kukaŵavaye wakujambura wakamanya—wakamanya kujambura panji kudinda. Iwo nthena ŵakachita chara ichi. Iyo wakawoneka ngati Munthu uyo, usange imwe mukamanya kumulaŵiska Iyo, Iyo wakakhumba kulira na chitima, na ntchindi na ulemu; ndipo kweni na nkhangono zakukwanira izo, kuti wayowoye, ichi chikamanya kuparanya charu chose. Ndipo mawonekero nthena ghakajamburika chara na wakujambura.

²⁴ Ndipo ine nkhamanya chara kufikira zuŵa ili icho chira chikang’anamura. Kweni apa ine ndiri usiku uwu, pamanyuma pa virimika sate, kuyimirira mu nyumba yakusoperamo iyo yapatulikira sono ku chisopo cha Chiuta Mwenekhangono. Ndipo ine, mbwenu a—membara waka, nadi, mbwenu a—mulara waka mu a—mu mpingo wa Baptist kuno, wenuwo Roy Davis wakaŵa mliska pa nyengo yira. Ndipo ine ndayimirira pano sono na malo ghakuzura, nkhanira pa malo gheneagha, na a...ku icho ine nkhanghanaghana, ndi chakugurika cha Ndopa za Yesu Khristu Iyomwene, mu mawoko ghane, kuti ndipereke Uthenga uwu wa mazuŵa ghanayi wa Fumu.

²⁵ Pafupifupi waka myezi sikisi pamanyuma pa icho, ine nkhaŵa na ubapatizo wane wakudanga kusika kuno pa mronga, apo Kuŵara kukakhirira nkhanira kuno pa Spring Street. Wanthu ŵanandi ŵa imwe panji mungakhumba kuti mumanye kuti mukhirire kusika kuti mukachiwone ichi, pa Spring Street na maji, nkhanira kunthazi kwa mronga. Ndipo kula ndiko Mungelo wa Fumu wakawonekera pa gulu, pakudanga, ndipo pa thu koloko, kumuhanya umoza. Ndipo Lizgu likiza kufuma mu uku, likati, “Umo Yohane Mubapatizi wakatumba kuzakanozga kwiza kwakudanga kwa Khristu, Uthenga wako uzamkunozgera Kwiza kwachiwiri.”

²⁶ Apa ndi pamanyuma pa virimika sate, ndipo apa ine ndichali, usiku uwu, kupharazganga Uthenga ula.

Ndipo kuzingilira charu Uwu uli kuruta, ndipo ine ndiri wakukondwa ndawereraso mu tawuni yane ya kukaya, usiku uwu, kuti ndimuyimire uyu Fumu Yesu Khristu uyo ine ndichali kumutemwa na mtima wane wose. Zuŵa lililose Iyo wakurutirira kuŵa muweme kuruska umo Iyo wakaŵira juzi. Ine nthā ndiri kusintha kadikidiki kamoza mu Chisambizgo chane. Chinthu chakudanga ine nkhayamba nacho, ine ndichali kugomezga chinthu chenechira usiku uwu. Iyo ndi mweneyura mayiro, muhanyauno, na muyirayira. Sono ine ndiri na Uthenga uwo ine ndiri na udindo kuwupharazga.

²⁷ Para Uthenga ukati wayamba pakudanga, ichi chikaŵako, nkhumanya, munthu waliyose; wakaromberanga ŵarwari, vimanyikwiro vikuru, vyakuziziswa, na minthondwe. Chira chikayambika, chomenechomene mu ŵanthu ŵa Pentekosite, chisisimuso cha chisokole cha machirisko icho chikakhwaska charu chose. Pa virimika nkhanira ffitini kwakhala kukuŵa visisimuso pa phiri lililose liriko, ine nkhusachizga, myoto ya visisimuso kugoleranga. Mwakufikapo mamiliyoni ŵali kumuzomera Khristu ngati Muponoski wawo, na kutumika kumoza kula. Chira chikakhuŵirizga, kufumira kula, kufika kwa Oral Roberts, na ŵanyake nthaura, ndipo kurutirira na kurutirira, apo ichi chikaruta chikazingilira.

²⁸ Pamanyuma, mpingo wa Pentekosite uli chigonere mu kukomoka kwake kwa kufwa, umo kukaŵira kale. Vyakukhumba vyane na vilakolako, usiku uwu, ndi chakuti ndiwaske mpingo ula, kamozaso, kufika ku Kwiza kwa Fumu Yesu kuli pafupi. Ine nkhuynera kuchenya ichi. Ine nkhuynera kuchenya kwananga mu kaŵiro kalikose uku kulimo. Ine nthā nkhuyn'anamura kuchita ichi kwa munyake mu bungwe. Ine ndiri na Uthenga.

²⁹ Sono, ntchinonono kunjira mu mpingo kuti upemphe wovwiri, ngati ndiumo kukaŵira na Fumu yithu Yesu, chifukwa ichi ndi Iyo; ichi ndine chara. Kweni umo Iyo wakapharazgira pakudanga, ndipo wakachizga ŵarwari, wakawuska ŵakufwa, ndipo wakatozga ŵavyoni, ndipo wakafumiska viŵanda, waliyose wakamukhumbanga Iyo. Kweni yikafika nyengo uko kuli Uthenga uwo nyengo zose ukurondezgana na chimanyikwiro, chifukwa chimanyikwiro chiri na lizgu.

³⁰ Kweni para Iyo wakati wakhala pasi zuŵa limoza, ndipo wakati, “Ine na Ŵadada Ŵane tiri Yumoza,” chira chikaŵa chakuruska umo iwo ŵakagomezgera. Ichi chikaŵako, nachoso, para Iyo wakati, “Pekhapekha imwe murye thupi la Mwana wa munthu na kumwa Ndopa Zake, imwe mulije Umoyo mwa imwe.”

³¹ “Uli?” Chifukwa, madokotala na ŵanthu ŵakughanaghana makora chomene nthena ŵakati, “Munthu uyu ndi murya ŵanthu, kuyezyanga kumupangani imwe kuti murye thupi Lake

na kumwa Ndopa Zake.” Iyo wakarongosora chara ichi. Iyo wakayowoya waka ichi.

³² Ndipo usiku uwu imwe panji mupulikenge vinthu, ndipo mu ungano, icho chayowoyeka waka. Ise panji ntha tiwenge wakumanya kurongosora. Kweni, kumbukirani, Yesu Khristu ndi mweneyura mayiro, muhanyauno, na muyirayira. Ise tikugomezga ichi.

³³ Sono, ise tirije nyengo kuti tiyowoye chomene, chifukwa ise tiri na nyengo zinyake za kuyambira muno ndipo nyengo zinyake zakufumira kuwaro. Ndipo ise tikukhumba kuti tichindike gulu la walarawalara wa sukulu ilo likatikhazikiskira ise nyengo izi, ndipo ise tichitenge chirichose ise tingafiska kuti tiwachindike iwo.

³⁴ Kumbukirani, pa nyengo yiriyose wakwananga wakwiza kwa Khristu, icho imwe mukwenera kuchita ndi kuyimirira, kwali ine nkhu pharazga, nkhu yimba, chirichose chiriko, ndipo perekani umoyo winu kwa Khristu nkhanira penepapo, yimirani mu mpando winu. Icho ndicho ise tiliri kuno, kuti timovwireni imwe.

³⁵ Ine nkukhumba kuti ndiyowoye kwa M'bale Vayle, M'bale Rober- . . . Borders, na wabale kuno. Usange . . . Ine nkhumanya chara usange iwo ntha wawenge nawo, mu mpingo, kumuhanya, panji mlenji unyake, panji chinthu chinyake, chisopo cha manjirikizo kwa iwo wakupenja ubapatizo wa Mzimu Mutuwa. Kasi icho chiwenge makora, imwe wabale? M'bale Neville na imwe mose mungamanya kufika kula, na M'bale Capps. Usange munyake waliyose wakukhumba kuti wanjirikizigike mu ubapatizo wa Mzimu Mutuwa, uli imwe mufike ku kachisi . . . Kasi yiweme chomene yiwenge vichi, mlenji panji kumuhanya?

³⁶ [Munyake wakuti, “Mlenji.”—Munozgi.] Mlenji, pafupifupi teni koloko? Pafupifupi teni koloko wa mlenji.

³⁷ Usange imwe muli na fumbo pa Chisambizgo, usange imwe muli na fumbo pa Uthenga, usange imwe—usange imwe mukukhumba kuti muwe . . . imwe ntha mukapharazgikira, pamwekha, imwe mukukhumba kuti murombereke, panji chinthu chirichose imwe mukukhumba kuti mumanye mu kawiro ako, uli imwe muruteko kusika kula pa teni koloko mlenji ndipo mukaawone wanthu awa. Kwamkuwa yumoza panji wanandi wa iwo kula kuti wakamunjirikizigeni, kuti wakarombere warwari, na kuzgora mafumbo. Ngati munthu wakuchindikika, inya, iyo . . . Imwe murute waka kwa iwo, ndipo iwo wamkuwa wakukondwa kumovwirani imwe mu nthowa yiriyose iwo wangachita.

³⁸ Sono, pambere ise tindafike waka ku Mazgu, ise tikukhumba kuti tifike ku Chata wa Mazgu kamosaso. Imwe panji mungamanya kurya chomene; imwe panji mungamanya kumwa chomene; imwe panji mungamanya kuseka chomene; imwe

panji mungamanya kuyenda chomene; kweni imwe nthā muzamkuomba chomene. “Ine nkhuḱhumba kuti wānarumi wārombenge palipose, kukwezganga muchanya mawoko ghatuwa kwambura nkhaiyiko na ukali.”

Tiyeni tirombe.

³⁹ Yesu wakutemweka, Chata wa Mazgu gha Umoyo, ndipo Imwe ndimwe Mazgu ghara, ise mwantchindi sono tikwiza kwa Imwe pamanyuma pa kurongosora mboniwoni yira. Kuti, Chiuta, Imwe mundichitire ukaboni ine kuti icho ndi unesko. Fumu Yesu, ine nkhuromba kuti Imwe muphakazenge mazgu usiku uwu ku kupulika kwa khutu lililose ili liri pasi pa kapulikiro Kauzimu. Ndipo usange wālimo wānji muno, panji wākutegherezgera kutali, kuwaro sirya la charu, usange iwo nthā mbakukhazga na wākunozgeka pa ora ili kuti wākumane na chakwimikana cha ora, Uthenga kufuma kwa Chiuta, kuti murape na kuwa wakunozgeka, pakuti Ufumu wa Chiuta ukuneng’enera. Ise tikuromba kuti ichi chiwe mwantheura, usiku uwu, na iwo, kuti iwo wākumanenge na chakwimikana cha ora ili.

⁴⁰ O Chiuta, ine nkhurombera wowwiri wawo, pakumanyanga udindo na icho ichi chikung’anamura, na icho ine nkhuynera kukazgora pa Zuwa la Cheruzgo, pa chose icho ine nkhuoyoya apa na kunyake kulikose. Mundivwire ine kuwa wakugomezgeka mwakufikapo, Fumu, na chose icho ine nkhuḱhita panji kuyowoya mu Mazgu Ghinu, mwakuti ichi panji chingapambika chipambi. Pakuti, umo kutuma Kwinu kukaḱira, “Ungazomerezganga chara Mazgu agha ghafumepo pa mlomo wako; kweni lingaliranga mwenemumo, muhanya na usiku, mwakuti iwe ungamanya kuwonneseska kuti ukuchita chose icho chiri kulembeka mu dango. Ndipo pamanyuma iwe upangenge nthowa zako zakusakata, ndipo mwantheura iwe uḱenge wakuchita makora. Kasi ine ndiri kukulangula chara iwe? Uwe wankhongono na wachikanga chikuru, pakuti Yehova Chiuta wako wali nawe kulikose iwe ukuruta.” Fumu Yesu, pangani ichi chikhale mwantheura, usiku uwu. Ise tikuromba mu Zina la Yesu. Amen.

⁴¹ Chinkhonde na Chisulo, kufumira teni kufika thweluvu, pa kachisi pa 8th Penn Street, pazamkuwa malangizo, mazgoro ku chisambizgo, malurombo gha wārwari, na vinyake vinandi. Fikani nkhanira kwenekula usange imwe muli na fumbo lililose, chirichose imwe mukukhumba. Kwamkuwa wānarumi kula kuti—kuti wākachite ichi. Fumu yimutumbikeni imwe.

⁴² Sono, ku chisopo ichi chakujurira usiku uwu, ine ningachita chirichose chara kweni kujura ichi nkhanira kurunjika ku Uthenga withu. Icho ndicho ise tiliri kuno, ndipo sono ndicho ine ndafikiraso kuno.

Ndipo pa Sabata mlenji, para Fumu yazomerezga, ine nkhuukumba kuti ndizakakumane na chakwimikana nacho chikuru chira cha zuŵa lira, cha *Nthengwa Na Kupatana*.

⁴³ Sono, mu *Ŵagalatiya* 4:27, ine nkhuukumba kuti ndiŵazge Mazgu agha, 4:27 kufika 31, ghose.

Pakuti kuli kulembeka, Sekerera, iwe chumba wambura kubaba; pamphuka ndipo chemerezga, iwe wamweneiwe ukupulika vyakuŵinya chara: pakuti chumba chiri na ŵana ŵanandi kuruska mweneuyo wali na mfumu.

Sono ise, ŵabale, umo Isaac wakaŵira, ndise ŵana ŵa phangano.

Kweni umo kukaŵira kale iyo mweneuyo wakababika kwakulingana na thupi wakazikizga iyo mweneuyo wakababika kwakulingana na Mzimu, nanga ndi chantheura chiriko sono.

Kweni kasi lemba likuti vichi? Fumyaniko mwanakazi muzga pamoza na mwana wake: pakuti mwana wa mwanakazi muzga nthwa waŵenge muhaliri pamoza na mwana wa mwanakazi mwanangwa.

Ipo nthaura, ŵabale, ise tiri ŵana ŵa mwanakazi muzga chara, kweni ŵa mwanangwa.

⁴⁴ Fumu yisazgireko vitumbiko Vyake ku kuŵazgika kwa Mazgu Ghake. Sono, ine nkhuugomezga apa kuti nditorepo mutu ngati uyu, wambura kupulikiskika, wachilendo. Kweni nyengo zinyake ise tikumusanga Chiuta mu vira vyambura kupulikiskika, maora ghachilendo, nthowa zachilendo, vinthu vyachilendo, chifukwa Chiuta ndi wachilendo. Ndipo iwo ŵeneawo ŵakumutumikira nadi Iyo kufumira mu mtima wawo, ŵakumutumikira Iyo mu nthowa yachilendo, ku vinthu panji nthowa za charu. Mutu uyu ukuchemeka: *Mbewu Ntha Njihaliri Pamoza Na Chikantha*.

⁴⁵ Paulos apa wakyowoya za mbewu yakuthupi ya ŵana ŵanarumi ŵaŵiri ŵa Abraham. Paulos, mwakukondwera, wakujiŵika iyomwene mu malo gha kubabika na mwanakazi mwanangwa.

⁴⁶ Sono, ise tikumanya kuti Abraham wakaŵa na ŵana ŵanarumi ŵaŵiri, ŵakubabika mwa ŵanakazi ŵaŵiri ŵakupambana. Chiuta wakamupa iyo phangano mwa Sara, kwizira mwa Sara, mphanyiko, kuti Mwana mwanarumi wazamkubabika, ndipo kwizira mu Mwana uyu charu chizamkutumbikika. Mafuko ghose ghazamkutumbikika na Mwana uyu. Ndipo chikugomezgeka chomene, chomenechomene pakati pa *Ŵayuda*, kuti uyu wakaŵa Isaac, kweni nthwa wakaŵa. Mwana wakulayizgika uyu wa Abraham ndi Yesu, ndipo Iyo ndi

phangano la Mbewu Yaufumu, ya Abraham. Kweni Abraham pakuwa na wana wanarumi wawiri . . .

⁴⁷ Yumoza, mwa—mwa Hagar, uyo waka wa wantchito wa muwoli wake; muweme, waketowa, wantchito mwanakazi mu Egupto uyo Abraham wakatorera muwoli wake kusika mu Egupto, kuti waka wa wake . . . wantchito wa muwoli wake. Ndipo Sara, kughanaghananga kuti Chiuta nthena wakafiska chara kusunga phangano Lake lose ku wa launenesko, iyo wakamuphalira Abraham kuti watore Hagar, wantchito wake, na kuti wamutore nthengwa iyo, (cheneicho, mitala yika wa yakuzomerezgeka na dango mazu wa ghara) na kwiza nayo mwana; ndipo umo ndimo Chiuta wakanozgera ichi, kuti iyo wakayenera kuti wa we na mwana kwizira mwa Hagar pera. Kweni ise tikusanga kuti chira chika wa ntheura chara.

⁴⁸ Sono ise tikuwonaso, kweniso, kuti Chiuta ndi wakufikapo mu utatu. Sono, Chiuta ndi “wakufikapo” mu *utatu*. “Grace” ndi *fayivi*. *Seveni* ndi “kumalizga,” ngati charu.

Chiuta ndi wakufikapo mu Dada, Mwana, Mzimu Mutu wa. Uko ndi kufikapo kwa Uchiuta. Wose Chiuta yumoza, mu mawonekero ghatatu, gha maukhaliro ghatatu gha ofesi yimoza, panji maofesi ghatatu mu Uchiuta umoza.

⁴⁹ Sono, kuli ghatatu pera mu kufikapo, masitepu gha wezi, ku Mpingo; kurunjiskika, kutuwiskika, ubapatizo wa Mzimu Mutu wa. Icho chikupangika na Kubabika Kuphya, ngati ndiumo kubabika kwa kuthupi kukulinganizgika na ichi. Cheneicho, mwana mwanakazi para wakubaba mwana, chintu chakudanga chikufuma ndi maji, ndopa, ndipo pamanyuma umoyo.

Baibolo likayowoya, mu 1 Yohane 5:7, panji 7:5, ine nkhu Gomezga ili ndilo, kuti wakati, “Kuli watatu awo wakuchitira ukaboni Kuchanya; Dada, Mazgu,” uyo waka wa Mwana, “na Mzimu Mutu wa; watatu a wa Njumoza. Kuli vitatu ivyo vikuchitira ukaboni mu charu chapasi;” Mazgu, “maji, ndopa, na Mzimu. Maji, ndopa, na Mzimu; vitatu ivi *vikuzomerezgana* mu chimoza.”

⁵⁰ Sono, Dada, Mwana, na Mzimu Mutu wa, Njumoza. Imwe munga wa nayo Dada chara kwambura ku wa na Mwana; imwe munga wa nayo chara Mwana kwambura ku wa na Mzimu Mutu wa. Kweni imwe mungamanya kurunjiskika kwambura ku wa wakutuwiskika; imwe mungamanya ku wa wakutuwiskika kwambura ku wa wakuzuzgika na Mzimu Mutu wa. Ise takhozgera icho mu ndondomeko ya chilengiwa.

⁵¹ Sono, ndipo wanandi wa imwe, panyake, ine panyake ninga wa mlendo kwa imwe. Ndipo ine—ine ndirije masambiro; ine ndiri na chigomezgo imwe mukupulikiska. Kweni ine nkhusambizga mu vilinganizgo, umo chakuthupi chikuyimira chazimu.

⁵² Sono, ise tikuwona kuti pali vitatu mu kufikapo. Chiuta ndi wakufikapo mu utatu, sono. Ndipo icho chikaŵako, mu kufikapo kwa mbewu ya Abraham, wakaŵa Ishmael, Isaac, Yesu. Ishmael kwizira mu mwanakazi muzga, Isaac kwizira mu mwanakazi mwanangwa, ndipo wose ŵaŵiri mwa kugonana; kweni Khristu Yesu kwizira mu mwali, kwambura kugonana.

⁵³ Apa, “Mbewu,” yimoza, Mbewu yimoza; mbewu zinandi chara, kweni Mbewu yimoza. Ŵanyake aŵa ŵakaŵa Mbewu ya Abraham chara, chifukwa “Mbewu” ya Abraham yikaŵa Mbewu yake ya chipulikano iyo Chiuta wakayowoyanga, nthā mbewu yake yakuthupi. Chifukwa, para Sara wakati wafwa, Abraham wakatora mwanakazi munyake ndipo wakaŵa na ŵana ŵanarumi seveni, kweniso ŵana ŵanakazi. Mwantheura zikaŵa mbewu za Abraham chara, yikaŵa “Mbewu” ya Abraham, yimoza. Ndipo yira yikaŵa Mbewu ya chipulikano ya Abraham, kurongoranga ku Mbewu Yaufumu iyo yikayenera kwizira mu chipulikano cha Abraham; nthā umoyo wakuthupi wa Abraham, kweni umoyo wauzimu wa Abraham; uyo wakatora chirichose chakususkana na Mazgu gha Chiuta ndipo wakachema ichi ngati kuti ichi chikaŵako chara, ndipo wakagomezga Chiuta; kususka chigomezgo, wakagomezga mu chigomezgo. Iyo ndi Mbewu yeneko iyo ise tikuyowoya.

⁵⁴ Apa ise tiri na chithuzithuzi. O! Mbewu yikayamba, mbewu ya phangano, yikayamba mu kukayikirika pachoko, kukayika phangano la pakudanga. Wonani umo ichi chikuyambira pasipasi, mu kukayikira phangano la pakudanga. Chiuta wakamulayizga Abraham, kwizira mwa Sara, kuti waŵe na mwana uyu. Kweni sono wonani, mbewu yakudanga ya Abraham kwizira mu mwanakazi muzga yikiza mwakuchita kukayika kwa Sara kuti ichi chikamanya kuchitika, chifukwa iyo wakaŵa muchekuru ndipo wakajumphā msinkhu wakubaba.

⁵⁵ Sono umo ndimo mpingo ukuyambira. Umo ndimo nyengo zose ukuyambira. Iwe ukuyambira pasi. Iwe nthā ukuyambira pachanya. Munthu kuyezganga kukwera matanda, wakuyezga kufika pachanya chakudanga, iyo waphyokenge singo lake. Iwe ukwenera kuti uyambe na kukulira ku icho.

Ndipo apa ise tikusanga chiyambi cha phangano la Chiuta likuwonekera, kwizira mu nkhayiko pachoko, ndondomeko ya Chiuta yakutimbanizgika.

⁵⁶ Umo ndimo kwananga kukayambira mu munda wa Eden. Umo ndimo nyifwa yikayambira kwizira mu kwananga, pakaŵa apo Lizgu limoza la Chiuta likamasulirika mwaujira panji nkhayiko. Imwe mungakayika chara panji kusemphaniska Lizgu limoza la Chiuta, icho ndi NTHEURA WAKUTHI YEHOVA, chifukwa Lizgu lirilo likwenera kuŵa mwantheura.

⁵⁷ Ndipo apa Sara, nanga ndi kwa uyo phangano (Sara pakuŵa mwanakazi, cheneicho ndi chilinganizgo cha

mpingo), wakakayika ndondomeko ya pakudanga ya Mazgu ghakulayizgika gha Chiuta, ndipo wakati, “Iwe, Abraham, mfumu wane, jitorere kwa wamwene mwanakazi wantchito wakutowa uyu, ndipo ukhale nayo pamoza, ndipo uwe mfumu kwa iyo. Ndipo Chiuta waperekenge mbewu iyi ya phangano kwizira mwa iyo, ndipo ine ndimutorenge mwana.” Wonani, kujumphirira waka kadikidiki kachoko kamoza, kakasintha ndondomeko yose.

Ipo, ise tikwenera kuti titore Lizgu lililose la Chiuta ngati NTHEURA WAKUTI YEHOVA. Lizgu lililose la Chiuta ndineneska.

⁵⁸ Apa mbewu yikuyambika pamanyuma mu phangano, kukayikika pachoko. Isaac pakuwa mbewu ya mwanakazi mwanangwa na wa phangano, wakababa, umo Paulos wakayezganga kurongosora apa mu Wagalatiya, iyo wakababa wakuthupi, mbewu ya kulayizgika. Ndipo iyo wakurutirira kuyowoya apa kuti a—wana wa mwanakazi muzga wanga wa wahaliri chara pamoza na wana wa mwanakazi mwanangwa, chifukwa iwo ndi wa viga wa viwiri vyakupambana.

⁵⁹ Ndipo, uwo ndi unesko, wambura kugomezga wanga wa muhaliri chara pamoza na wakugomezga. Vingachitika chara, munthowa yiriyose. Apo ndipo pali suzgo muhanyauno. Imwe mungayipanga chara nkuku ya bungwe yigomezge pamoza na nombo. Imwe mungachita chara ichi. Apo ndipo suzgo likuyambira. Imwe mukwenera kuti mugomezge Lizgu lililose la Chiuta. Imwe mbwenu. . . Imwe ntha ndimwe wahaliri pamoza. Nesi imwe muzamkuwa—muzamkubatikana na ichi; imwe mungachita chara ichi. Imwe mukwenera kuwa nombo panji nkuku.

⁶⁰ Iyi nthena yika wa yihaliri chara pamoza na Ishmael, mbewu ya mwanakazi muzga, wa. . . chifukwa cha kukayika. Sara wakakayika Mazgu gha Chiuta, icho Chiuta waka wa wamagomezgeko kusunga Ichi. Muwoneni Abraham! Imwe mukuwona icho ine nkhuzeza kuzenga cha pa Sabata mlenji. Abraham wakakayika chara ichi. Sara wakakayika ichi; ndi iyo wakakayika. Ntha waka wa Adam uyo wakakayika; waka wa Eva uyo wakakayika. Ntheura, pamanyuma, ise tiyowoyenge vinandi vya wara apo ise tikuchitora ichi pa Sabata mlenji.

⁶¹ Nesi wauzimu wangamanya kuwa. . . wakuthupi kuwa muhaliri pamoza na wauzimu. Vingachitika chara wana wa Ishmael kuwa wahaliri pamoza na—pamoza na wana wa Isaac, ndipo vingachitika chara wakuthupi wangamanya kuwa muhaliri pamoza na wauzimu.

⁶² Mpingo wakuthupi; Mpingo wauzimu. Kuli mpingo wakuthupi uwo wanakazi a wa apa wakuyimira; ndipo kuli Mpingo wauzimu, nawoso. Mwantheura, mpingo wakuthupi na Mpingo wauzimu yingawa yihaliri chara pamoza. Iyi ndi yiwiri

yakupambana, nyengo zakupambana; yiŵiri yakupambana, ŵanthu ŵakupambana; pasi pa ghaŵiri ghakupambana, mapangano ghaŵiri ghakulekana.

⁶³ Ndicho chifukwa Mkwatulo ndi wakulekana, ndipo uzamkuŵa wa Mbewu yaufumu pera ya Abraham. Uwu ntha ungizira mwa wakuthupi, mbewu ya kuthupi ya mpingo. Iyi yikwenera kuŵa Mbewu yaufumu ya Mazgu gha Chiuta, kwizira mwa Abraham, mbewu yaufumu. Ndicho chifukwa Mkwatulo ukwenera kudangilira.

Chifukwa, kumbukirani, “Ise taŵeneise tiri ŵamoyo ndipo tikukhalirira tizamkuŵajandizga chara, kuŵatondeska iwo ŵeneawo ŵali mu tulo. Pakuti mbata ya Chiuta yizamulira, ŵakufwira mwa Khristu ŵazamkudanga kuwuka. Ise taŵeneise tiri ŵamoyo ndipo tikukhalirira tizamkukwapulikira muchanya na iwo, pamoza, na kukakumana na Fumu mu mlengalenga.” Wonani, ndipo kweniso kuli kulembeka, “Ndipo ŵanyake wose ŵakufwa ntha ŵakakhala ŵamoyo, virimika sauzandi.”

⁶⁴ Ipo, kula, iwo ntha ŵamkuŵa ŵahaliri pamoza. Iwo ntha ŵamkuŵa mu Mkwatulo pamoza. Nadi uliko mpingo wakuthupi, na Mpingo wauzimu; mpingo wakuthupi, Mpingo wauzimu. Mwantheura, wonani, apa palije . . .

⁶⁵ Kulije cheruzgo ku yaufumu, yauzimu, Mbewu yakusankhikirathu ya Abraham, pakuti iwo ŵali kusankhikira ku Umoyo Wamuyirayira. Iwo ŵali kuyizomera Sembe yakuperekeka ya Chiuta; ndipo Sembe yira, yeneiyo wakaŵa Khristu, Mazgu.

“Ndipo mwantheura kulije sono kususkika.” Yohane Mutuŵa 5:24, usange imwe mukukhumba Lemba. “Mwantheura kulije sono kususkika kwa iwo awo ŵali mwa Khristu Yesu,” Ŵaroma 8:1, “ntha mungayendanga mwakurongozgeka na thupi, kweni na Mzimu,” mu Ŵaroma. 5:24, “Iyo uyo *wakupulika* Mazgu Ghane,” lizgu apo ndakuti, “kupulikiska.” Muloŵevu waliyose, chinyake chirichose, chingamanya kupulika Ichi na kufumapo. “Kweni iyo uyo wakupulika Mazgu Ghane, wakupulikiska Mazgu Ghane, ndipo wakugomezga pa Iyo uyo wakandituma Ine, wali na Umoyo wambura kumara, ndipo wazamunjira mu Cheruzgo chara; kweni wajumpha nyifwa wafika ku Umoyo.” Inya, bwana.

Iyo uyo chamchindindi chikuru ichi cha Chiuta chikamuvumbukwira, wakupulikiska, umo kuti Chiuta wakaŵa mwa Khristu kujiphemaniskiranga Iyomwene ku charu, umo kuti Iyo na Ŵadada ŵakaŵa Yumoza, umo kuti vyamchindindi vikuruvikuru vya kukwaniriskanga kwa Chiuta kutoranga na kujivumburanga Iyomwene, wakawonekera mu muwiro wa ŵanthu, na mu kukomwera ŵanthu, na mu kwendezgana na ŵanthu; kuti wapange Mazgu Ghake kuwonekera mu nyengo, mu kufuma kwa zuŵa la kuvuma, na kuchita chinthu chenechira

umo zuŵa likunjilira kuzambwe, kuti wajipange Iyomwene kuwonekera mu Mpingo wa Mkwatibwi, Mazgu kuzgoka ghakuwonekera. Mukuwona? Ichi chizamuchita, nachoso. “Iyo uyo wakupulikiska,” ndiko kuti, “kumanya, icho chiri kuvumbukwa kwa iyo, za Iyo uyo wakandituma Ine, wali na Umoyo wambura kumara, ndipo wazamunjira mu Cheruzgo chara; kweni wajumpha nyifwa wafika ku Umoyo.”

⁶⁶ Mbewu yakuthupi yikaŵa waka chakunyamulira cha yauzimu, Mbewu. Ngati muthibiri, mphunga, na chikantha. Ise tikajumphamo kale mu icho, pa Uthenga unyake, kweni ine nkhuumba kuti ndichiwoneskeso ichi pachoko, mu ichi, panji kurutaso ku ichi pa miniti pera.

⁶⁷ Sono apa pali masiteji ghatatu gha mbewu, yikutiwoneska ise chithuzithuzi cheneko, masiteji ghatatu gha mbewu ya kuthupi mu charu. Ngati para mbewu yapandika, yikuwoneska muthibiri, mahamba ghachoko ghakumera ku ichi; pamanyuma mphunga, pamanyuma wufu wa mbewu ukupangika mu icho; ndipo pamanyuma chikantha; ndipo paumaliro mbewu kamozaso.

⁶⁸ Wonani masiteji ghatatu agha gha ntharika yeneko apa, na umo ichi chikugwirira ntchito mwakufikapo mu chilinganizgo, chifukwa Chiuta ndi Chata wa chilengiwa chose. Ipo chilengiwa chingatondeka chara umo kuti vingachitika chara kuti Chiuta watondeke, chifukwa wakaŵa Mweneuyo Wakakhazikiska chinthu mu kaŵiro kake kuti—kuti ise tilaŵiskepo na kupulikiska.

⁶⁹ Muwoneni Hagar, muthibiri, cheneicho chikaŵa chiyambi chakudanga cha mbewu kuti chiwonekere. Sono, ichi ntha chikawoneka chinyake ngati Mbewu. Ichi chikaŵa muthibiri, chifukwa iyo wakaŵa mwanakazi muzga, ntha mu phangano yayi; wakaŵavye na chakuchita na Mazgu, chakunyamulira waka Mbewu.

⁷⁰ Muwoneni Sara, mphunga izo zikaŵa na wufu, fuko lira la Chiyuda likafumira mwa iyo. Kufumira, kufuma mwa Sara, mukababika Isaac; mwa Isaac, mukababika Jacob; Jacob wakababa ŵasekuru; ndipo kwizira mu ŵasekuru, mukababika fuko.

⁷¹ Mariya, chipulikano cha mwali, wakababa yeneko, Mazgu gha Mbewu yauzimu kuzgoka thupi. Mukuwona?

Ŵanakazi ŵatatu, ŵanakazi ŵatatu awo Mbewu iyi yikayenderamo. Yumoza wa iwo wakaŵa muzaghali wakukwanira, pasi pa mitala; wachiŵiri wakaŵa mwanakazi mwanangwa; ndipo yumoza wachitatu pakaŵavye kachitiro kalikose ka kugonana, kweni mwa chipulikano iyo wakagomezga Mazgu gha Chiuta. Hagar, Sara, wose ŵaŵiri Sara na Hagar, wakababika mwa kugonana; kweni Mariya

wakaŵa mwali, kwizira mu nkhangono ya Mazgu gha Chiuta ghakulayizgika. Uwo ndi unenesko.

⁷² Muthibiri, Hagar (ŵawoli ŵawiri), wakakayika phangano, kweni wonani icho chira chikababa. Para Hagar, muwoli wachiwiri wa Abraham, uyo mwakufikapo wakaŵa muwoli wamuseri wa Abraham, kweni iyo wakababa mwana mwanarumi, kweni (kasi iyo wakaŵa mtundu uli wa mwanarumi?) Baibolo likati iyo wakaŵa “mwanarumi wa muthengere.” Iyo wakakhalira umoyo pa uta wake, ndipo kukaŵavye munthu wakamanya kumuthereska iyo. Iyo wakaŵa wambura chikhazi, wakuti wangaphenduka chara, wakuti wangasintha chara. Iyo wakaŵavye chikhazi. Iyo wakaŵa munthu wa muthengere, chifukwa iyo wakaŵa wakususkana na Mazgu gha Chiuta.

Ndipo chirichose icho ntchakususka; mupharazgi waliyose, membara waka waliyose, mpingo uliwose, uwo ngwakususka Mazgu gha Chiuta; ubabenge mwana wa muthengere, gulu la charu lizaghali la Hollywood, ndipo ungakhala chara na Mazgu ghambura kusakanikirana, chifukwa uwu nthu ulimo nanga ndi mu phangano. Yayi.

⁷³ Sara, muwoli mweneko wa phangano, pakuŵa mphunga, wakababa mwana wakufwasa. Mu kuwezgerapo, wakababa fuko lakulayizgika ilo likatumikira Chiuta. [Pa tepi palije kalikose—Munozgi.]

Kweni, Mariya, kwambura kugonana, kweni wakagomezga Mazgu gha phangano; para iyo wakaŵa mwali, wambura kumanya mwanarumi. Ndipo Mungelo wa Fumu wakakumana nayo, wakati, “Monire, Mariya, waktumbikika ndiwe pakati pa ŵanakazi, pakuti Chiuta wali nawe.”

⁷⁴ Ndipo iyo wakati, “Kasi vinthu ivi vichitikenge uli?” Iyo . . . Iyo wakayowoya.

⁷⁵ Mungelo wakati, “Mzimu Mutuŵa wazamkukuphimba iwe.”

⁷⁶ Ichi chikaŵa chindachitikepo mu miwiro yose, kweni Mariya wakamugomezga Chiuta. Ndipo iyo wakati, “Wonani muzakazi wa Fumu.” Iyo wakagomezga Mazgu.

Kasi iyo waŵenge nayo uli uyu? Iyo wakamanya kuti Hagar wakaŵa nayo iyo kwizira mu chilakolako cha kugonana, na Abraham; ndipo Sara wakababa mwana kwizira mu chilakolako cha kugonana, na Abraham, ŵana ŵa phangano; mwanakazi muzga na mwanakazi mwanangwa. Kweni apa iyo wakufumbika kuti wagomezge. Icho ndi chakusazgirako ku chipulikano icho chikaŵa mwa Abraham, uyo wakagomezga vyambura machitiko, “Malinga Chiuta wakayowoya kuti ichi chikaŵa mwantheura, icho chikupanga ichi chaunenesko.”

⁷⁷ Iyo wakagomezga Chiuta, nthu wakakayika. Iyo wakati, “Wonani muzakazi wa Fumu. Palije kanthu kwali ine

ndikumanenge na kususka kukuru uli kufuma ku charu, chichitike kwa ine kwakulingana na Mazgu Ghinu.” Kula kukababika Mbewu yeneko.

⁷⁸ Sara nthena wakachita chara ichi, chifukwa ichi kukaŵa kugonana. Uwo ndi unenesko. Ndipo nesi nthena Sara, chifukwa uku kukaŵa kugonana.

Nesi ungamanya kuchita mpingo, pasi pa bungwe! Ichi chikutorera chigomezgo cha mwali mu Mazgu gha Chiuta kuti chipange phangano, kuti chibabe mwana. Bungwe lingababa chara Mpingo wakubabikaso. Ili lingachita chara ichi. Ili libabenge chinyake chakukolerapo waka. Ili libabenge chinyake, chinyake icho chikukopera Ichi, chinyake icho chikuyezga kuŵa ngati Ichi.

Kweni weneko, Mpingo wakubabikaso wa Chiuta ukugomezga Mazgu gha Chiuta mu kuŵapo kwa chirichose, kwambura kupwerera kwali ichi ntchivichi, chifukwa uwu ndi wambura kusakanikirana. Uwu wizira mu phangano la Chiuta kuti vinthu ivi vikwiza.

⁷⁹ Mariya, yumoza muneneska, wakayowoya, kwizira mu... —kwambura kugonana, wakati, “Chichitike kwa ine kwakulingana na Mazgu Ghinu. Wonani mzakazi Winu!”

Ndipo iyo wakababa. Kasi iyo wakababa vichi? Mwanarumi wa muthengere chara; fuko chara. Kweni iyo wakababa Mazgu, Chiuta Iyomwene kuwonekera mu thupi; amen, Mbewu yeneko ya Chiuta iyo yikawoneska phangano lililose ilo Chiuta wakapanga mu Baibolo; kwambura Iyo, kulije munthu wangakhala wamoyo kwambura Iyo.

⁸⁰ Iyo wakaŵa mbewu yeneko, iyo wakarуска mphu-... iyo wakaŵa chikantha icho chikababa Njere. Sono, ŵanyake ŵawiri ŵakaŵa vyakunyamulira Umoyo, ngati mbewu yakuthupi pera. Mariya... Sono, kumbukirani, ine nanguti ŵanyake ŵawiri... Sono, Mariya, nthu mungamupanganga iyo Chiuta, umo ŵanthu ŵanyake ŵakuyezga kumupanga iyo. Iyo wakaŵa kachiuta chara. Chara, bwana. Iyo wakaŵa waka chakunyamulira Mbewu, ngati ndiumo ŵanyake wose ŵakaŵira; kweni, ngati chipulikano mu Mazgu, chikukutorera chomene ku chikozgo cheneko.

⁸¹ Ngati ndiumo chingoma chikukhomera, panji tirigu. Ichi chikupanga, muthibiri; pamanyuma ichi chikupanga wufu, pamanyuma ichi chikupanga, chikantha. Kweni para imwe mukughanaghana, chikantha chira, usange imwe mukulaŵisiska chara, ichi chiwonekenge nkhanira ndendende ngati tirigu mweneko. Kweni para ichi chasuŵika, tirigu mweneko wali mkati. Ichi ndi chakunyamulira waka, kamosaso.

⁸² Mwantheura, imwe wonani, Mariya, kwizira mu kugonana chara, kweni kwizira mu chipulikano; chinyake ndendende

ngati Ichi. Mariya wakaŵa Mbewu yira chara. Mariya wakaŵa chakunyamulira Mbewu.

Iyo wakaŵa yeneko, Mbewu ya chipulikano, chifukwa Mazgu gha Chiuta ndi mwa chipulikano kuti Iyo wakapereka kwa Abraham. Ndipo ndi chipulikano chekha pera chingapanga icho Chiuta wakayowoya Iyo wachitenge; chipulikano mu Mazgu Ghake.

⁸³ Wonani umo yikuwonekera chomene ngati Chinthu cheneko, Mariya wakaŵa, kweni ngati chikantha. Chikantha chikuvunga mbewu mkati mwake na kuyivikilira iyi, na kuyipwererera iyi mpaka iyi yikuyimirira payekha, yakukhwima. Mwantheura wachita muwiro wa mpingo wachitatu uwu (wa Pentekosite) wakhwima, wayegha Njere iyi mpaka ndi nyengo yakuti chikantha chifumeko. Mariya, pakuŵa nyina wa Khristu, chakukonkhomoleramo waka.

Iyo wakaŵa wa ndopa za Mariya chara; Iyo wakaŵa wa ndopa za Muyuda chara; Iyo wakaŵa wa ndopa za Wamitundu chara. Iyo wakaŵa wa Ndopa za Chiuta. Chiuta wakalenga Ndopa izi. Ntha kukayenera kuŵa kugonana. Iyo nthu wakaŵa Muyuda nesi Wamitundu.

⁸⁴ Bonda nthu wali na kadikidiki kamoza ka ndopa za mama. Ndopa zikwiza kufuma kwa dada. Ise tikumanya hemoglobin wali mu mwanarumi.

Ngati nkukhu, iyi yingamanya kutayira sumbi, nkukhu yanakazi yingachita; kweni usange iyi yindakumane na nkukhu yanarume, tambala, iyi yikonkhomorenge chara. Ili lirije umoyo, nangauli ili likuwoneka ndendende ngati sumbi laumoyo. Kawiro kalikose ka ili kakuwoneka kakuyana, kweni ili lirije umoyo mwa ili.

⁸⁵ Umo ndimo kuliri na ŵanthu awo ŵakuyowoya Khristu. Ŵanandi ŵa iwo ŵakuwoneka ngati Ŵakhristu; kuyezga kuchita ngati Ŵakhristu; kweni imwe mukwenera kuti muŵe na Khristu mkati mwinu, cheneicho ndi Mazgu ghakuwonekera, panji ichi nthu chikhwimenge kufika ku Mukhristu mweneko wakugomezga Baibolo. Ichi nyengo zose chiŵenge chinyake cha bungwe. Ichi chingaŵa chamoyo chara, chifukwa mulije Umoyo mu ichi, kuti chikhale umoyo.

Sumbi lingakonkhomora chara, ili likuvundira nkhanira mu chivwimbo, usange ili lindakumane na—na kayuni kanarumi.

⁸⁶ Kuyana waka na mamembara gha mpingo. Imwe mungamanya kuŵanyengerera iwo na kuŵachema iwo, kuŵapanga iwo madikoni na chinyake chirichose, kweni iwo . . . imwe muli na chivwimbo chakuzura na masumbi ghavivya pekhapekha iwo ŵakhalira pamoza na Mwanarumi. Uwo mbunenesko.

⁸⁷ Chakunyamulira, chikantha, ichi chikayipwererera Iyi. Uwo mbunenesko. Mwantheura Iyi, ndiko kuti, Mbewu Iyoyene, yikwenera kuti yifumemo mu chikantha, panji chikantha chifumeko ku Mbewu, kuti Mbewu yikhale mu Kuwapo kwa Mwana, mwantheura Iyo yingamanya kukhwima. Chose mu chithuzithuzi, ise tikuwona.

⁸⁸ Wonani sono apa umo uwu uliri kufupi, mpingo wa mazuwa ghaumaliro agha, ukufika pa kuwoneka ngati Mbewu Iwowene. Wonani umo bungwe ili la Pentekosite liri kuphuka mu mazuwa ghaumaliro, ndipo ise tirongosorengi ichi nyengo yinyake kunthazi, wonani, umo iwo wakufikira kufupi chomene kuwonekanga waka ndendende ngati Mbewu.

Para chikantha chapangika kufuma ku njere ya tirigu...panji hamba la tirigu, pamanyuma pakuti ufu wanjira mwenemula mu steji yachiwiri, na kupanga steji yachitatu cheneicho ndi—a—chikantha. Ndipo umo kuti... Usange iwe nthu ndiwe wakuwoneseska makora, iwe nthu umanyenge kupambaniska kweni kuti njere yeneko ya tirigu yiri mwenemula. Para kanjere kachoko kala kapangika, kakuwoneka ngati kanjere, kweni iwe ukhale pasi na kusuwa ndipo iwe usangenge kuti mulije yiriyose mula. Ichi ndi chikantha pera, chakunyamulira njere. Sono, njere yikupangika kufuma ku icho. Kweni kumbukira, kulijeso chinyake pamanyuma pa chikantha chira.

Kumbukirani, kukaŵavaye Mbewu yinyake yikalayizgika kwizira mu mwanakazi, kunyake kulikose, pamanyuma pa Mariya. Ndipo kulijeso mabungwe ghali kulayizgika pamanyuma pa Pentekosite. Ndi Mkwatulo na Mkwatibwi kupangikanga kufumira kula, Mbewu, Mazgu kuwonekera kamozaso.

⁸⁹ Wonani, laŵiskani umo iyi yikuwonekera kuti yiri kufupi chomene. Mateyu wakayowoya, Mateyu Mutuwa 24:24, wakayowoya, kuti, “Mizimu yiŵiri mu mazuwa ghaumaliro,” mzimu wa mpingo wa ŵanthu ŵa mpingo, na Mzimu wa Mkwatibwi wa ŵanthu ŵa Mkwatibwi, “yizamkuwa yakuyana chomene pamoza mpaka ichi chingamanya kupuruska Ŵakusoreka usange ichi chikaŵa chamachitiko.” Umo ndimo ŵaliri ŵakuyana.

⁹⁰ Wonani umo iyi yikajumphira mu muthibiri. Sono wonani, ise tilinganzigenge chinthu chinyake apa.

Lutera, mu muwiro wa mpingo, wa kuwoneskeranga Mbewu ya Mkwatibwi, wakaŵa wakuyana mu Mzimu. Njere waka yimoza ya Mbewu, Lutera wakalimbikira, kula kukaŵa kurunjiskika mwa chipulikano. Iyo wakaŵa wakwimirira mweneyura wa Hagar, muthibiri.

Wonani, Wesley wakaŵa wakwimirira mweneyura wa Sara, wa Filadelfia, muwiro wa chitemwa uwo ukababa mphunga.

Kuti mu muwiro wa Wesley, mukaŵa wamishonare wanandi kuruska muwiro unyake uliwose ise tiri kuŵapo nawo, muwiro ukulu wa mishonare wa nyengo ya John Wesley.

⁹¹ Kweni Pentekosite wakayimira Mariya. Mariya, steji yaumaliro ya Iyi, sono, iyo wakaŵa Mbewu chara. Kweni, Umoyo wa Mbewu ukaŵa mwa iyo, kweni Iyi yikaŵa yindakhwime. Ine nkhuji pulika usopisopi chomene. Wanandi wali nayo mbewu, kweni, wonani, Iyi yikakhwima chara. Iyi yikaŵamo mula, kweni Iyi yikaŵa yambura kukhwima.

Mwantheura ndimo kuliri na muwiro withu wa Pentekosite uwo ise tikukhalamo! Pakwenera kuti pawoneke a—Mazgu gha Chiuta agho ghali mkati, ghambura chibungwe, kuwaro kwa vigaŵa vya bungwe.

⁹² Luteru wakaŵa chikantha na mazgu ghake ghakudanga, “Ŵarunji wakhalirenge chipulikano.” Wesley wakaŵa na mazgu ghachiwiri, “kutuŵiskika,” ntchito yachiwiri yakukhazikika ya wezi. Pentekosite wakaŵa na lizgu lachitatu, “kuwezgereska kwa vyawanangwa.” Kweni Mbewu yamphumphu yikwenera kuti yipangike! Mukuwona umo iwo wakapangira bungwe pa lizgu limoza, na lizgu linyake, na lizgu linyake?

Kweni pakwenera kuti paŵe Chinyake icho chingapangika bungwe chara; ichi ndi Umoyo uwo uli mkati mula, ukwenera kuti Ujipangeso Iwowene pa Mkwatibwi. Yingaŵakoso chara miwiro yinyake ya mpingo pamanyuma pa ichi. Ise tiri pa umaliro, wabale na walongosi. Ise tiri pano. Ise tafika. Wawongeke Chiuta! Amen. Sono, ise tikuwona vinthu ivi ndi vyaunenesko waka umo ivi vingamanya kuŵira.

⁹³ Ndipouli ise tikuwona, pamanyuma, usange iyo pakuŵa mphunga, panji... Wesley pakuŵa mphunga; Pentekosite pamanyuma pakuŵa chikantha, yeneiyo ndi siteji yakurondezgako ya kuwoneka kwa Njere. Kweni, m'bale, mlongosi, muthibiri ndi Njere chara, nesi mphunga ndi Njere, nesi chikantha ndi Njere; nangauli, nyengo yiriyose iyi yikukhwima, iyi yikuwoneka chomene ngati Njere.

⁹⁴ Muthibiri ntha ukuwoneka ngati njere. Pamanyuma kasi chikuwoneka ntchivichi? Mphunga, kamphukira kachoko; aka kakuwoneka chomeniko ngati njere kuruska a—umo hamba likuwonekera. Kasi ntchichi chikuwoneka pamanyuma? Chikantha; ichi chikukolera njere, ichi chikupwererera njere.

⁹⁵ Sono laŵiskani kumanyuma uku pa phangano la Chiuta likapangika kwa Abraham, za “Mbewu yako,” kuyowoyanga ku uzimu. Waliyose wa ise wakumanya icho. Iyo wakayowoyanga za Khristu, Isaac chara; kwizira mu Mbewu yake ya chipulikano.

⁹⁶ Wonani, wakudanga wakababika na mwanakazi muzga, ntha wakawoneka ngati waphangano. Chiuta ntha wakwenera kuti wawezgere kumanyuma Mazgu Ghake chifukwa cha munyake. Chiuta wakayowoya umo uyu wazamkubabikira,

ndipo umo ndimo uyu wakababikira. Kweni, Sara, pakuwa wakuyimira mpingo, chilinganizgo cha mpingo, uwu (iyo) wakasanga kula, kuti iyo wakati, “Inya, ine nkugomezga iyi ndi fundo yichoko chomene. Ine ntha nanga ningagomezga mu icho, mwantheura iwe ruta ndipo ukatore Hagar kuwa muwoli.” Wonani, kula, muthibiri ntha ukawoneka ngati phangano, chara.

Kweni para Sara wakati wababa, sono, chira chikawoneka chiweme chomene. Ichi chose chikuwoneka chomene ngati phangano kula, kweni ndipouli ntha waka wa phangano leneko. Chifukwa, Israel, mwa Isaac, wakatondeka ndipo wakayikana Mbewu yeneko para Iyi yikati yafika. Haleluya! (Mungasekereranga chara; mungachimbiranga chara. Icho chimupwetekaninge chara imwe.) Wakayikana Mbewu, wakamukoma Iyo, ndipo wakamupayika Iyo pa mphinjika!

⁹⁷ Ngati ndiumo Paulos wakayowoyera apa, “Kasi ntha a—mbewu ya a—ya mwanakazi mwanangwa . . .panji mwanakazi muzga yikazikizga Mbewu ya mwanakazi mwanangwa?”

Ndipo mwantheura yikuchita mbewu ya bungwe yikuzikizga Njere yeneko. Ichi nyengo zose chikwenera kuwa mwantheura. Iwo ntha wazamkuwa wahaliri pamoza. Iwo ntha wakukoleranako pamoza. Iwo mwakufikapo ndi mapangano ghawiri ghakupambana, nyengo ziwiri zakupambana, wanthu wawiri wakupambana, wose pamoza. Yumoza ndi Mkwatibwi, ndipo yumoza munyake ndi mpingo. Paliye kulinganizgana, chara, na iwo.

⁹⁸ Kweni ndipouli iwo ntha ndi Mbewu iyo yikalayizgika kuti yizamkwiza. Nesi waka wa Sara, nesi waka wa . . .Ndipo nesi waka wa Hagar, nesi waka wa Sara, panji—panji nesi Mariya, waka wa Mbewu.

Mariya waka wa Mbewu chara. Iyo waka wa chakunyamulira Mbewu, kweni iyo wakapwererera, wakababa kufuma mu nthumbo yake. Kuyana waka na chikantha, wakababa kufuma mu nthumbo yake Mbewu yeneko, kweni chikantha ndi Mbewu chara. Ichi ndi . . .Ichi chiri kufupi ku Mbewu. Ichi chavunga kuwaro kwa Mbewu.

Kale kumanyuma mu muthibiri, umoyo wapwalarikira palipose mu muthibiri. Ndipo para uwu wafika ku ufu, uwu ukuwunjikana pamoza. Kweni para uwu wafika ku muthibiri, uwu uli nkhanira kusi kula ngati mbewu, ndipo ukupanga iyi pafupifupi kuwoneka ngati mbewu.

Yesu wakatiphalira ise icho chizamkuwako mu nyengo yaumaliro, “Kuwa kufupi chomene ichi chingamanya kupuruska Wakusoreka usange chika wa chamachitiko,” kweni pamanyuma Mbewu yikupangika kufumira kula. Ndipo chikantha, Umoyo ukufumamo mu chikantha. Ndipo chikantha ndi chakunyamulira, ndipo icho ndi ndendende icho mabungwe

ghithu ghali kuwa, chakunyamulira; Lutera, Wesley, wa Pentekosite. Ndipo sono ndi nyengo ya Mbewu kuti yiwoneke. Wonani, wonani, mbwenu . . .

⁹⁹ Iyo wakaŵa Mbewu chara. Mariya wakaŵa chara. Chikantha waka, mphunga, na muthibiri, vyakunyamulira vya gawo la Mazgu, nthu Mazgu ghose! Lutera wakaŵa na kurunjiskika; Wesley wakaŵa na kutuŵiskika; wa Pentekosite ŵakaŵa na kuwezgereska kwa vyawanangwa. Kweni para Mazgu ghakati ghafika . . .

Sono, iwo nthena ŵakapanga icho, kuti, kurunjiskika kuponoskenge munthu. Imwe mukugomezga icho? Nadi, ichi chikaŵa chakunyamulira Mazgu, kuyana waka umo ine nkugomezgera kuti muthibiri ukaŵa gawo la tirigu. Nadi, uwu uli, kweni uwu ndi chakunyamulira. Ichi ndi Umoyo chara.

Mwantheura pamanyuma kukiza kutuŵiskika. Kasi mbalinga ŵakugomezga mu kutuŵiskika? Imwe mukugomezga Baibolo, imwe mukwenera kuchita. Nadi. Mwantheura ndipouli ndicho chara; ichi ntchakukozganako mwakurutirirako pachoko; agho ndi mazgu ghanyake ghaŵiri.

Kweni pamanyuma pakiza Pentekosite, kuwezgereskeka kwa vyawanangwa. Kuyowoyanga mu malilime, iwo ŵakuchema ichi ukaboni wakudanga wa Mzimu Mutuŵa. Kuyowoyanga mu malilime, kula, iwo ŵakuchema chira ukaboni wakudanga, cheneicho chikapanga (vichi?) chikantha, kweni iwo ŵakapanga bungwe.

Kweni imwe mfafika pa kuyowoya kuti, “Ine na Adada Ŵane tiri Yumoza,” na vinthu vinyake ivi, mwantheura chikantha chikufumako ku Ichi. Kweni wanadi, Mpingo wakufikapo wa Mkwatibwi ubabenge Mazgu ghose gha Chiuta, mu uzari Wake na mu nkhangono Zake, pakuti Iyo ndi mwenyura mayiro, muhanyauno, na muyirayira.

Wonani, mu nthumbo ya Mariya mukaŵa Mbewu.

¹⁰⁰ Kweni para Mbewu yikati yababika, Iyi yikati, “Ine nkhwiza kuzakachita khumbo la Iyo uyo wakandituma Ine. Ine na Adada Ŵane tiri Yumoza. Usange Ine nkuchita chara milimo Yake, kundigomezga chara Ine.” Apo pakaŵa Mbewu. “Ndinjani wa imwe wangamanya kundisuska Ine za kuwura kugomezga? Icho Baibolo liri kulayizga kuti Ine ndichitenge, Ine ndachita. Chiuta wakhozgera icho kwizira mwa Ine,” Iyo wakayowoya. “Ndinjani wangandiphalira Ine sono?” Mukuwona?

Kweni, a—Mbewu mwa Mariya, chikantha, yikaŵa kufupi kuŵa Yira, kweni iyi yikaŵa chara. Iyi yikaŵa yichali ndithu mu nthumbo.

¹⁰¹ Wonani, ndipo mu muwiro wa Pentekosite. Mu muwiro wa Lutera, mu muwiro wa Wesley, ichi chiri kuŵa chinthu chenechira mu muwiro wa Pentekosite.

Sono wonani. Kweni pa kuvumbukwa kwa Vididimzigzo Seveni, Chivumbuzi 10, Mazgu ghose ghakwenera kuti ghafike pa kuwonekeraso, na kukhozgeka na Mzimu wa Chiuta, mu nkhongono zose umo Igho ghakaŵira para Iyo wakaŵa pano pasi; ghakawonekera munthowa yeneyira, kuchitanga vinthu vyenevira ivyo Igho ghakachita para Igho ghakaŵa pano pasi. Amen! Ŵaheberere 13:8 wakati, “Yesu Khristu ndi mweneyura mayiro, muhanyauno, na muyirayira.”

Mu Luka Mutuŵa 17:30, Yesu wakati, “Mu mazuŵa ghaumaliro, umo kukaŵira mu mazuŵa gha Sodom, apo Mwana wa munthu wazamkujivumburangaso Iyomwene, ichi chizamkuŵa chinthu chenechira.”

¹⁰² Charu chiri mu kaŵiro ka Sodom. Ndipo mpingo wanjira mu Sodom, na ichi, ngati Lot na muwoli wake.

Ndipo ine nkhuoyoya kuti kuli Mpingo Wakusoreka kumalo kunyake mu charu ichi, uwo ukupatukako ndipo ukukhala kutali ku vinthu vira, ndipo kuwonekera kwa Chiuta kwakopa tcheru Chake. Ise tiri mu mazuŵa ghaumaliro.

¹⁰³ Chikantha chapereka Nkhongono yake mu Mbewu. Ichi chafumako; ichi chikaŵa chikantha chiweme, kweni ichi chikateŵeta nyengo yake. Wonani, ndi Mkwatibwi wa Mazgu wa Mwenenthengwa wa Mazgu!

¹⁰⁴ Mbewu ya kuthupi ya Abraham, ya Isaac, na Jacob, na . . . Panji, mbewu ya kuthupi, mphanyiko, ya Ishmael, mbewu ya kuthupi ya Isaac, na ŵanyake ŵantheura, ŵakayenera kunjira mu dongo, mwakuti—mwakuti ŵapambike munyake uyu, ŵapambike Yesu.

Ndipo mwantheura ndimo ŵanyake wose aŵa, mbewu zikwenera kuti ziwomire. . . Ine nkhung’anamura, chikantha chikwenera kuti chiwomire, ndipo ufu wa m’mbewu ukwenera kuti uwomire, ndipo chirichose chikufwa, mwantheura Mbewu yingamanya kujiyandaniska Iyoyene. Umo ndimo kuli kuŵira mu muwiro uliwose.

¹⁰⁵ Mabungwe ghali kuŵa vyakunyamulira vya gawo la Iyi, gawo ilo ndi Mazgu, pakuti Ichi chikubisika ku ŵakunozga vinthu ŵavinjeru, panji a . . . kujarika kwa iwo, mpaka muwiro wa Nombo wawonekera. Baibolo likayowoya mwantheura. Inya, bwana. Chifukwa, ise tiri kulayizgika icho mu Malaki 4. Ndendende, ise tiri.

“Iyo wali kubisa Ichi ku maso gha ŵavinjeru na ŵamahara.”

¹⁰⁶ Umo ise tamalizgira waka Buku la Chivumbuzi, ise tikusanga kuti waliyose, mathenga ghose ghatatu ghara gha vikoko vira ivyo vikafuma, chirichose chikayana na Lutera makora waka, chirichose chikakhala pa chinyake makora waka, cheneicho ndi ng’ombe na vinyama vyakupambanapambana mu Baibolo; iwo ŵakayendera mu kurunjiskika, kutuŵiskika,

nanga nkunjira mu wa Pentekosite. Kweni chachinayi yika wa nombo, uwo mbunenesko, ndipo kwizira mu muwiro ula Chiuta wakakuzga Ichi. Mwantheura ichi chikwenera kwizira mu muwiro ula kuti chiwe chiweme, inya, bwana, phangano la nombo kukwaniriskika la—la Malaki 4.

107 Yesu nthu waka wa Mariya, kweni wakababikira mwa Mariya, ngati Umoyo kwizira mu chikantha.

108 Sono, wanandi wa imwe wabale waweme wa Katolika, panji walongosi, usiku uwo, panyake mukughanaghana kuti Mariya waka wa “nyina wa Chiuta,” umu imwe mukuyowoyera kuti iyo waka wa. Kasi iyo wanga wa uli nyina wa Chiuta, ndipo Chiuta waka wavye chiyambi panji umaliro? Mukuwona? Kasi Wiske wa Chiuta waka wa njani, kale, usange iyo waka wa nyina? Mukuwona?

Iyo waka wa Mlengi wake, ndipo Mariya waka wa mlengi Wake chara. Iyo wakajilenga, Iyomwene, mu nthumbo ya Mariya, nthu chilengiwa chake iyomwene. Waka wa Iyo, wakajilenga, Iyomwene. Iyo waka wa wa Mariya chara, kweni Mariya waka wa wa Iyo. Uwo mbunenesko. Baibolo likutisambizga ise, kuti, “Vinthu vyose vikapangika na Iyo,” wonani, “ndipo nthu chikawako chinyake chikapangika kweni icho chikapangika na Iyo.” Mwantheura kasi Iyo nthena... Kasi Iyo nthena waka wa uli na nyina, apo Iyo waka wa Chiuta Iyomwene?

109 Sono ise tikuwona apa uvumbuzi weneko wa chilinganizgo cheneko. Pali wanakazi watatu wakunyamula mbewu ya kuthupi, mpaka yikakhwimira mwa Yesu. Umo Ishmael nthena waka wa chara, chifukwa iyo wakababikira, nadi, mu icho ise tingaghanaghana muhanyauno, kuwaro kwa nthengwa, chifukwa iyo waka wa mwana mwanarumi wa mwanakazi muzga. Pamanyuma wakiza wakukozganako chomeniko pachoko ngati Iyo, ngati Yesu, uyo wakababikira mwa Isaac; kweni ndipouli iyi yika wa chara, chifukwa yikababika kwizira mu kugonana pakatikati pa Sara na Abraham. Kweni pamanyuma wakiza Mariya, mwa kubabika na mwali, wakababa Yesu Khristu. Uwo mbunenesko. Chiuta, Mazgu, wakazgoka thupi.

110 Sono wonani. Kuka wa wanakazi watatu. Kuli wanakazi watatu wakulinganizgika apa, mipingo. Wanakazi nyengo zose wakuyimirira mipingo. Kung’anamura, miwiro yitatu ya bungwe, yakunyamulira, yeneiyoso yikwenera kufwa na kuwomira, kuyana waka na chikantha na umu vinyake vikuchitira nthu, kuti vipereke mwa wi ku Mbewu. Mbewu yingakhala makora chara, yingakhwima chara, mphanyiko, mpaka chikantha, muthibiri, na mahamba, vyose vyawomira. Uwo mbunenesko. Iyo yikutora chiduswa chirichose cha Umoyo,

mwa iwo, kufumiskamo; amen; chose ichi chikaŵa, ndicho, kusazgirako.

¹¹¹ Yingachita chara ichi! Sono ndi nyengo ya Mbewu, panji nyengo ya Mkwatibwi. Makantha ghafwa. Makantha ghawomira. Nyengo ya Mkwatibwi mwali, wambura kukhwaskika. Ndi mwali, kumbukirani, nyengo ya mwali wa Mazgu. Usange imwe mungaŵika Iyi mu mawoko gha bungwe, Iyi nadi yingaŵa mwali chara; Iyi yikhwaskikenge na munthu, panyengo imwe mukufika ku Iyi. Kweni Mpingo wa Chiuta ngwakukhwaskika na bungwe chara. Haleluya! Uwo ndi Mazgu gha Chiuta ghakuwonekera ghakubabika na mwali, Yesu Khristu, mweneyura mayiro, muhanyauno, na muyirayira. Haleluya! Umo, umo chiliri chiweme! Ine nkchitemwa Ichi. Ine nkchugomezga Ichi. Ine nkchumanya kuti Ichi ndi Unenesko. Uyu wakhwaskikenge chara. Kuzamkuŵako chara kukhwaskika na bungwe mu Kubabika kwa Mkwatibwi. Chara, bwana! Iyo ndi—iyo ngwakulangulika na Chiuta kuti wafumemo mu chantheura. “Ntha mungakhwaskanga vinthu vyawo vyaukazuzi, kuzgoka ŵachabaŵi.”

¹¹² Chikundikumbuska waka ine. Apo ine nkchizanga kufuma ku Phoenix zuŵa linyake, kwizanga ku Tucson, kufuma ku ungoro, Mzimu wa Chiuta ukandikopera ku chinyake; apo muwoli na ine tikayendanga, kuyowoyanga, ndipo ŵana ŵakaŵa chigonere kumanyuma kwa galimoto, nyengo yikarutanga. Ukandikopera ine ku chabaŵi, ndipo ine nkchamulaŵiska chabaŵi yura pachoko ndipo nkchamuwoneseska iyo. Iyo ndi chilinganizgo cheneko cha mpingo muhanyauno.

¹¹³ Sono, chabaŵi, umo ise tose tikumanyira, wali kutaya zina lake la kulengeka kwake kwa pakudanga. Uwo mbunenesko ndendende. Kale wakaŵa wakukozgana na nombo, mukuru wake mukuru; chabaŵi wakaŵa. Kweni sono iyo ntha wakuwurukiraso muchanya mu mitambo, kuti wakapenje mana ghake gha muchanya, kweni iyo wali kulekerera. Iyo ntha wakuwurukiraso mu mitambo. Iyo wakuduka pasi, ngati khwakhwaŵi; wakudeka pa mzati wa telefoni; wakuduka penepara, kupenjanga ŵakalulu ŵakufwa. Chabaŵi ntha wakapangika kuchita icho. Chara, iyo wakapangika kuŵa wakuyana na nombo.

Sono, icho chikuyana waka na mpingo. Uwu ukapangika mwakuyana na nombo. Uwu ukwenera kuti utore malo gha Muchanyachanya. Kweni, m'malo mwa icho, uwu walekerera. Uwu ntha ukuwurukiraso kunjira mwambura kumanyikwa, mu mtambo. Chara, bwana. Uwu ukugomezga pa nthowa zake zasono, za kulereka, za masambiro, na kusambira vyauchiuta, mu bungwe linyake lakupangika na munthu; kupenjanga gulu la ŵakalulu ŵakufwa, ŵakuvundako pachoko, icho unyake ukawa nacho. Uwo mbunenesko. Wakudukaduka pasi sono,

imwe wonani, uwo mbunenesko, chabaŵi. Wonani, icho ndicho chikuphara.

Nombo yiri kusintha chara napachoko. Iyo yikukhalirira nombo.

¹¹⁴ Uyu nthā wakuwurukira mu mitambo, chabaŵi wakuchita chara, wali kuleka, kuti wakakore mana ghake ghafureshi kuchanya kula, kweni iyo wakugomezga pa icho iyo wangasanga chakuti chafwa kale. Chabaŵi nthā...nkhuti iyo wakwenera kuti wadekenge pasi. Kweni wonani chabaŵi wakale muhanyauno. Yendani pa msewu, imwe mukuwona mawaya gha telefoni ghazura na ŵachabaŵi, kuwona usange iyo wangasanga chinyake—chinyake chakomeka, chinthu chinyake chakuvunda. Iyo wafika apo mwantheura iyo walije mapapindo ghakukwanira kuti wawuruke. Iyo ndi... Chinthu chakudanga imwe mukumanya, iyo wakhalenge pasi, kukhazikika, kukhazikika chifukwa iyo walekerera. Iyo nthā wakugwiriska ntchito nkhangono zake, munthowa yiriyose, izo Chiuta wakamupa iyo.

¹¹⁵ Kakhaliro kake kapadera kakaŵa kakuti wawurukirenge muchanya mu mitambo na kulaŵiska pasi, kweni sono iyo wakukhira nkhanira pasi ndipo wakutondeka nanga nkhulaŵiska kuchanya. Iyo waŵika malingaliro ghake pa ŵakalulu ŵakufwa, kuti wasange icho iyo wangasanga pa msewu; chiwuli munyake, kunda, panji chinyake munyake waganda. Iyo ndi nombo chara, kweni iyo ndi chinyake ngati ichi.

Kuyana waka na mpingo kugomezganga pa chakurya chake kuti chikufuma ku masambiro na vinyake mwantheura, chakurya chakufwa icho chikafwa virimika vyakumanyuma, mwa Lutera, na Wesley, na ŵa Pentekosite, na awo ŵali kuruta, iyo wakarya. Uwu ukulaŵiska kumanyuma kupenjanga chisambizgo chakupangika na munthu; m'malo mwakuwurukira Muchanyachanya mu Mazgu, uko “Vinthu vyose ndi vyamachitiko kwa iwo ŵeneawo ŵakugomezga.”

¹¹⁶ Iyo watora vizgoŵezi vya ŵachaholi. Vinthu vyakufwa vira vikalekekerera ŵakhwakhwaŵi, charu. Masambiro na vinyake ngati ivyo, vikalekekerera charu, ku Mpingo chara. Iyo ngwakulekerera chomene mwakuti iyo nthā...Ichi ntchakukhoraso chara. Iyo wakakwerera muchanya chara mu Machanya ghakukhora, uko, “Vinthu vyose ndi vyamachitiko kwa iwo ŵeneawo ŵakugomezga.”

Iyo wakugongoweska, ndipo wakuti, “Inya, Dokotala *wakuti-na-wakuti* wakayowoya chinyake...Bungwe lane nthā likugomezga Ichi mukachitiro ako.” O, iwe ndiwe chabaŵi wakutimbanizgika, ukuchita wofi kugwiriska ntchito mapangano gha Chiuta!

Iwe ukuti, “Inya, mazuwa gha minthondwe ghali kujumpha.”

117 Imwe ndimwe wakulekerera. Imwe mukuchita wofi kuti mutore mapapindo ghinu na kuwurukira kuchanya. Ndipo kasi imwe mwazgoka wakulekerera chomene ku unyango wa malurombo? Kasi imwe mwafika ku malo kuti imwe mukuchita wofi kuti mukhale maminiti teni pa guwa?

118 Wakuduka ngati khwakhwaŵi, kuryanga nyama yakuvunda pasi! Inya, bwana. Iyo ndi wakufoka chomene kuti wawurukire kutali kuchanya, munthowa yiriyose. Wakuduka ngati khwakhwaŵi, ndipo wakurya chakurya cha wakwakhwaŵi. Icho ndicho chiriko. Uwo mbunenesko. Mpaka, iyo wayamba kuwoneka ngati khwakhwaŵi. Iyo wakachita ngati khwakhwaŵi. Iyo ndi chabaŵiso chara kuruska chirichose. Iyo ndi khwakhwaŵi chomene kuruska umo iyo waliri. Chabaŵi wakwenera kuwuruka muchanya; ntha kudeka pa mzati wa telefoni na kulindizga kalulu wakufwa, ndipo pamanyuma kukhirira pasi kula na kukwera-na-kukhira pa msewu ngati khwakhwaŵi. Mukuwona?

119 Umo ndimo waka mpingo wachitira muhanyauno. “Kasi phindu lakurutira kuchanya Kula ndi vichi na kuwurukanga, apo ine ningamanya kuwatora wakalulu apa?” Kweni iwo ndi wakufwa. Iwo mbakuvunda. Iwo mbakunangika. Nyengo yimoza, iwo wakawaŵa waweme; mwantheura ndimo chikawira chisambizgo cha Lutera, Wesley, na wa Pentekosite. Ntchifukwa uli iwe ukurya ngati luhera? Kukaŵa mana ghaphya ghakawanga usiku uliwose, kufuma kuchanya, gha wana wa Israel apo iwo wakayendanga; chinyake chirichose chikahalako chikanangika. Ise kale tikatemwanga kuyowoya, mu charu, “muli twakubirinkhinyuka mu ichi.” Kuli wanandi chomene wa iwo wakubirinkhinyuka mu vyakuchitika vithu muhanyauno, visopo vithu, kugomezganga pa icho munyake wakayowoya, icho munyake wakayowoya, ndipo, “Phangano nda muwiro unyake.”

120 Munthu wakiza kwa ine kale chomene chara, mupharazgi wa Baptist, kumtunda kula mu nyumba yane, ndipo wakati, “Iwe ukumanya,” wakati, “Ine—ine nkhuumba waka kuti ndikunyolore iwe pa chinyake.”

Ine nkhati, “Vichi?”

Wakati, “Iwe ukuyezga kusambizga Chisambizgo cha upostoli mu muwiro uwu.” Wakati, “Muwiro wa upostoli ukamara.”

121 Ine nkhati, “Pauli?” Mukuwona? “Ine ndikuphalirenge iwe apo uwu ukayambira, ndipo iwe undiphalire ine apo uwu ukamalira.” Ine nkhati, “Kasi iwe ukughomezga Mazgu?”

Iyo wakati, “Ine nkuchita.”

122 Ine nkhati, “Viri makora. Sono, pa Zuŵa la Pentekosite, kasi iwe ukugomezga ndi penepapo muwiro wa upostoli ukayambira?”

Iyo wakati, “Ine nkuchita.”

123 Ine nkhati, “Pamanyuma, mupharazgi, Mupostoli Petros, wakayowoya mazgu agha.”

Ndipo kumbukira, Yesu wakati, “Waliyose uyo wafumiskengemo Lizgu limoza kufuma mu Ili, panji kusazgirako lizgu limoza ku Ili, gawo lake lizamkufumiskikamo mu Buku la Umoyo,” uyo ndi mupharazgi panji munyake uyo zina lake liri pa Buku.

Ine nkhati, “Petros wakati, ‘Rapani, waliyose wa imwe, ndipo mubapatizike mu Zina la Yesu Khristu kuti kwananga kwinu kugowokereke, ndipo imwe mupokerenge chawanangwa cha Mzimu Mutuŵa. Pakuti phangano ndinu, na ku ŵana ŵinu, na kwa awo ŵali kutali, nanga ndi ŵanandi awo Yehova Chiuta withu wachemenge.’ Kasi ichi chikamara pauli nthaura? Ichi nyengo zose chakhala chikuŵapo.”

Ndi gulu la ŵachabaŵi ilo likazgoka kuŵa ŵakhwakhwaŵi, na kudukuranga pa yakukomeka yinyake yakufwa, muwiro unyake ukaŵakomera iwo. Mbunenesko. Ntha Mana ghafureshi kufuma Kuchanya, munthowa yiriyose. Iwo ŵakuchikhumba chara Ichi. Iwo nth. . . iwo ŵangaŵa nawo chara ungano wa malurombo. Ndi nombo chara, kufuma pakudanga; ŵakufoka, nth ŵakukhora; ŵakuduka waka kuzingiliranga.

124 Mwantheura ndimo liriri bungwe lithu lasono, likagomezga ku kusambira kunyake kwa vyauchiuta kwakupangika na munthu, kuti ŵarongosore Vinthu vyose ivi mwakutimbanizga, ndipo iwo ŵakuzomerezga icho. Iwo nth ŵatorenge Mazgu agho ghakati, “Yesu Khristu ndi mweneyura mayiro, muhanyauno, na muyirayira.” Iwo nth ŵatorenge Malaki 4. Ndipo iyo nth ŵatorenge mapangano ghanyake ghose agha ghakukhwaskana na nyengo iyi, ndipo ukayowoya ngati muwiro wa mpingo. Umo muprofeti wakayowoyera, “Kuzamkuŵa Kuŵara ku nyengo yakumise,” iwo nth ŵakutora Ichi. Iwo ŵakukhumba kudukaduka kuzingilira pa icho bungwe linyake la Pentekosite likakoma, virimika handiredi vyajumphu, kuryanga mana ghakuvundako pachoko. Uwo mbunenesko. Icho ntchiweme chara.

125 Wonani, mpingo uli muthupi chomene, ukujiryeska iwowene pa nyama yakuvunda ya charu, vinthu vyakufwa vya charu, ngati ndiumo luhera wakuchitira. Ndale za mpingo, iwo ŵakuzomerezga chara Mzimu Mutuŵa watume munthu ku mpingo; iwo ŵakwenera kuŵa na ndale na kuwona usange bungwe limupokerenge iyo panji chara. Uwo mbunenesko. Iwo ŵali ngati mbacharu. Iwo ŵakuchita ngati mbacharu. Iwo ŵakuvwara ngati ŵacharu. Iwo ŵakuwoneka ngati mbacharu.

Iwo ndi wakhwakhwaŵi, wakutemwa charu. Iwo mbakata, wakufoka, wakulekerera. Ndicho chekha chiriko ku ichi.

Kasi imwe mukayiwonapo nombo yikulekerera? Chara, bwana. Mulije kulekerera mwa iyo. Nesi wakuchita Mukhristu wakufikapo. Iyo ndi mutechi chara. Iyo wapenjeje mpaka iyo wachisange Ichi. Amen. Inya, bwana. Iyo wayisangenge Nyama yake. Iyo wakukhumba Mana ghafureshi. Iyo warutenge kusika kula na kujima mpaka wayisange Iyi. Iyo wadukirenge muchanya na muchanya. Usange mulije kalikose mu dambo ili, iyo wakwerenge muchanyako. Muchanya umo imwe mukukwerera, vinandi imwe mukumanya kuviwona. Mwantheura ndi nyengo ya nombo za nyengo iyi kuti ziwurukirenge muchanya, kujima mu mapangano gha Chiuta, nthu kukhaliranga umoyo pa chakurya cha khwakhwaŵi icho chikakomeka virimika vya kumanyuma; fumaniko ku ichi.

¹²⁶ Ndale, kusankha na kumufumiskapo, kuyowoyanga *ichi*, *icho*, panji *chinyake*, ndipo Mzimu Mutuŵa wakuzomerezgeka chara mu mpingo kuruska chinyake. Maungano gha malurombo ghali kumara, nthu kufukafukiranga Chiuta kuti mukwaniriske Mazgu Ghake! Nthu kurutirira kugomezganga kuti Mazgu ghachali gheneghara mayiro, muhanyauno, na muyirayira! Iwo wakukhazikika waka pasi ngati wakhwakhwaŵi, wali na bungwe, wakulembeska zina lawo pa buku; ndipo wakuzgoka wakata na wakufoka, ndipo wakukhala pasi kula na kuryanga mtundu unyake wa nyama yakuvunda. Ndipo, pamanyuma, wakwenera kuŵa pafupifupi chabaŵi uyo ngwakukozganako na nombo, muprofeti uyo wakiza na Mazgu ghaneneska ndipo wakaghawoneska Igħo.

¹²⁷ Wakugomezga pa yakuvundako pachoko, kusambira vyauchiuta kwakupangika na munthu. Kasi iyo wakuchitorankhu ichi? Mu ndondomeko yinyake yakupangika na munthu ya Sande sukulu, musambizgi munyake wakamukomera iyo kale mu seminare yinyake, kumuphalira iyo kuti, “Mazuŵa gha minthondwe ghali kumara. Kukaŵavye chinthu ngati ubapatizo wa Mzimu Mutuŵa. Chose ichi ndi kupusa.” Imwe mukung’anamura kundiphalira ine kuti nombo yingarya icho? Iyo yingachita chara ichi. Chara, bwana.

¹²⁸ Nesi Mukhristu wangamanya kurya nyama zakuvunda kufumira ku visambizgo vyakale vya bungwe na vinthu. Iwo wakukhumba Mazgu gha Chiuta, ghafureshi, phangano la ora. Chiuta wakalayizga wakalulu mu mazuŵa gha Lutera. Iyo wakalayizga vinthu vinyake mu mazuŵa gha wanyake. Kweni sono Iyo wakatilayizga ise Chakurya chakukwanira vyose, Mndandanda wakukwanira wa vyakukhumbikwira seveni, pakuti Vididimizgo vyose Seveni vyajurika, ndipo chirichose chanozgeka cha Mazgu gha Chiuta, kwa iwo weneawo wangapokerera! . . . ? . . .

¹²⁹ Wachabaŵi kudukanga ngati ŵakhwakhwaŵi. O, mwe! Ghanaghanani za ichi, umo chiliri chakususkana, chifukwa—chifukwa icho ora liri. Umo chabaŵi wali kutaya kale zina lake ngati chabaŵi, mwantheura ndimo mpingo uli kutayira kale zina lake ngati kakucheperapo pachoko (kayuni) kabale ka nombo, ŵaprofeti ŵa Chiuta.

Kale wakaŵa wakunyamura mazgu ghaneneska, kurunjiskika; pamanyuma, wakazgoka wakunyamura kutuŵiskika; pamanyuma, wakazgoka wakunyamura ubapatizo wa Mzimu Mutuŵa, kuwezgereska kwa vyawanangwa. Kweni pamanyuma, para Iyo wakurutirira: na kurutirira kuwerneranga kamanyuma, kuyezganga kurya chinyake, mana kufuma ku nyengo yinyake, ichi ntchakuvunda, ichi ntchiweme chara.

Nombo yeneko ya nyengo iyi yikumanya chira chikaŵa makora. Kweni ise tikatora icho, kusazgirako, mpaka Yesu Khristu wawonekera mu uzari wa nkhongono Yake, umo Iyo wakalayizgira kuzakaŵa mu nyengo yaumaliro iyi.

¹³⁰ Iyo sono ndi chikantha chakomira. Uwu wajumpha; Mzimu wa Chiuta ukayendera mwa iyo, ndi unenesko. Ndipo nthu wachitenge, iyo nthu waŵenge muhaliri pamoza na Mbewu ya Mazgu ghakukhozgeka. Iyo nadi nthu waŵenge. Iyo nthu waŵengemo mu Mkwatulo. Iyo waŵenge membara wa mpingo, panyake wangazakawuka mu chiwuka chachiŵiri, kwerezgika kwakulingana na icho iyo wali kupulika.

Usange iwe ichi muno usiku uwu, ndipo ndiwe membara waka wa mpingo, kasi cheruzgo chako chizamkuŵa uli, apo ise tose tikwenera kuti tikayimirire kula na kuchitira ukaboni kuti iwe ukapulika Unenesko? Mukuwona?

Iyo nthu wakuwurukiraso mu mtambo, kunjira mwambura kumanyikwa, kufika ku chauzimu, uko Nkhongono na kuthuvuka, na mapangano gha Mazgu gha Chiuta vikuŵa vyamachitiko, “vinthu vyose kwa iwo ŵeneawo ŵakugomezga.” Iyo wagomezgenge chara Icho, iyo wakayowoya. Iyo wakuwerera nkhanira ku waya wa telefoni, ndipo wakati, “Bungwe lane likati ŵakalulu ŵali makora waka.” Nangauli muli mphorozi mwa ivyo, kweni, ndipouli, “Ivi viri makora,” wonani. Iyo wakugomezga pa icho.

¹³¹ Pentekosite wali ngati mlongosi wake khwakhwaŵi wa bungwe, wakhala sono mu ukulu “mipando ya ŵamanyi marango ŵambura uchiuta,” nadi, kutegherezganga ku wake wa charu, mitu ya ndale kumuryeskanga iyo chakurya cha khwakhwaŵi na ŵakalulu ŵakufwa, cha chiyanke icho chikaŵa chaŵakale, virimika fifite vyajumpha. Ako ndi kaŵiro ka mpingo wa Pentekosite. O, mwe!

¹³² Umo Sara wakayezgera kuti wawoneske phangano la chauzimu mwakuchita—mwakuchita kutora Hagar, mwantheura ndimo wachitira mpingo, kuyezganga kupanga

chisisimuso. Wāneni wāithu mu vyaru muhanyauno, “Chisisimuso mu nyengo yithu! Chisisimuso mu nyengo yithu! Imwe mose wā Methodist, Baptist, Pentekosite, mose wunganani pamoza.” Kasi imwe mungaŵa uli na chisisimuso cha Mana ghafureshi pa chakale, chakufwa, chakurya cha khwakhwaŵi? Kasi imwe mungaŵa nacho uli ichi, chisisimuso mu nyengo yithu?

Chisisimuso chizamkuŵa chichoko chomene iwo ntha wāzamakumanya kuti ichi chikachitika.

¹³³ Wāpentekosite wākati, “O, kuzamkuŵa chinthu chikuru chizamkuchitika.”

Ichi chikuchitika, ndipo iwo ntha wākumanya ichi. Wonani, uwo mbunenesko. Mukuwona? Inya, bwana. “Pakuti apo pali Yakukomeka, penepapo nombo ziwunganenge,” mwakusimikizga waka ngati charu. Mukuwona? Icho ndicho Ili likayowoya. Kasi Yakukomeka ndi vichi? Mazgu. Iyo ndi Mazgu, Wakukomeka, Khristu! “Khristu mwa imwe,” mweneyura mayiro, muhanyauno, na muyirayira. Umo Uwu uliri unenesko!

¹³⁴ Sara, kuyezganga kutora malayizgano ghoze kukwaniriskika, imwe wonani, mu ukuru...ngati mpingo muhanyauno, “chisisimuso chikuru mu nyengo yithu,” (chafika na vichi?) na phangano lakutimbanizgika. Kasi imwe muchitenge uli ichi, apo Chiuta ntha wakatumbika bungwe?

Iyo ntha wakagwiriskapo ntchito bungwe. Para thenga likati latumika, ndipo iwo wākapanga bungwe, ili likafwira nkhanira penepara. Ine nkhumubechera wa mudauko waliyose kuti wandiwoneske ine apo ili likawukaso. Ili likafwira nkhanira penepara ndipo likakhala nkhanira penepara. Chiuta wakafumamo waka mu chakunyamulira chira, kunjira mu chimoza chinyake; nkhanira kurutirira kufumamo mwa wā Lutera, kunjira mu Methodist; nkhanira kufumamo mu Methodist, kunjira mu wā Pentekosite; sono Iyo wafumamo mu wā Pentekosite, wanjira mu Mbewu.

¹³⁵ Chifukwa, iyi yikwenera kuŵa Mbewu. Imwe mungatonda chara chilengedwe. Ntha chiriko, ntha chiriko chinyake kula chakuti chipange ichi chichitike kweni Mbewu, mwantheura Mbewu yijiyandaniskenge Iyoyene. Iyo ndi mweneyura mayiro, muhanyauno, na muyirayira; Laŵi la Moto lenelira, kuwoneskanga vimanyikwiro vyenevira, Nkhongono yeneyira, Chiuta mweneyura, minthondwe yeneyira, chinthu chenechira, kukhozgera Mazgu na Baibolo, nkhanira ndendende. Iyo ndi mweneyura mayiro, muhanyauno, na muyirayira. Iyo wakurongozga, usiku uwu. Chiuta mutivwire ise kuti tichiwone Ichi na kugomezga Ichi! Nadi!

¹³⁶ Muwoneni, Sara, mpingo, wakatora Hagar. Ichi chikagwira ntchito chara. Chikachita ichi? Chara. Gulu lake lakusankhika na iyo ligwiringe ntchito chara muhanyauno, yayi. Madokotala,

na ma Ph. D, na ma L.L.D, nthā ghakuchita ichi. Wākunyamula wose wākutondeka.

Lutera wakatondeka, umo Hagar wakachitira. Kasi Hagar wakachita vichi? Hagar wakapereka mwana wake ku chipakato cha mwanakazi munyake (mbunenesko uwo?), kuti walere mwana wake. Hagar wakachita chira; wakapereka mwana wake, mwana wake yekha pera, ku chipakato cha mwanakazi munyake (nthā mama wake), kuti wamulere uyu. Icho ndi chinthu chenechira Lutera wakachita para iyo wakapereka mwana wake, kurunjiskika, kwa bungwe kuti wamusewēreske uyu, icho ndi ndendende, kuti wamulere iyo.

¹³⁷ Wesley wakatondeka umo Sara wakachitira, kukayikanga Kubabika kwauzimu pakuwā ubapatizo wa Mzimu Mutuwā, umo Sara wakachitira pa khuni la Oki. Para Wesley wakati wachiwona chazimu, para muwiro wa Pentekosite ukati wayamba ndipo Wesley wakuwona kuyowoyanga malilime na chose Ichi, iwo wākaseka ndipo wākachisewēreska Ichi. Mose imwe wā Mpingo wa Khristu, na imwe, mukuchemeka mwantheura, na imwe Wabaptist, na Waprezibetere, waliyose wa imwe, mukayinuskira mphuno zinu kuchanya, pa Ichi, ndipo mukafumako ku Ichi. Mbunenesko. Kasi iwe ukachita vichi, Wesley? Iwe ukagariska mwana wako ku bungwe, ndipo uyu wakafwa ndipo wakaparanyika. Uwo mbunenesko nadi.

¹³⁸ Kweni, Mazgu, Mazgu ghaneneska ghakarutirira. Agha nthā ghakakhala mu bungwe lira. Igho ghakarutirira nkhanira munthazi kunjira mu pentekosite, ndipo ghakatora vinandi pamoza na ichi. Wakawā Mwana wakukhwima mwakukwanira, ngati Mbewu iyo yikawa mu nthumbo; ndipo, pakati pajumpha kanyengo, Iyi yikayamba mu chiwangwa cha pamsana, pamanyuma kuti yiwe na maphapo, ndipo yikawā na mutu na marundi.

Ndipo, pakati pajumpha kanyengo, Iyi yikafika ku malo kuti Iyi yikababika. Uwo mbunenesko. Mwantheura, umo ndimo Mpingo uli kukhwimira, kachitiro kenekala.

¹³⁹ Wesley wakakayika nkhanira ndendende umo Sara wakachitira pa khuni. Iyo wakati. . . Para Mungelo wa Yehova, Munthu, wakavwara ngati a . . . Panji, Mungelo, Chiuta, uyu wakawā, Iyomwene. Elohim, wakavwara ngati munthu, wakayimirira apo na fuvu pa malaya Ghake, ndipo wakayowoya kuti Iyo wakapereka phangano; pamanyuma pakuti Sara wakawā na virimika nayinte vyakubadwa, ndipo Abraham handiredi.

Ndipo Sara wakaseka mu mtima, ndipo wakati, “Kasi ichi chingaŵako uli, apo Abraham na ine nthā tikaŵapo, inya, ise nthā tiri kuwā ngati wanthu wanichi, kukhala pamoza kwa m’banja, panyake pa virimika twente.” Iyo pafupifupi wakaŵa na virimika handiredi vyakubabika. Wakati, “Ine, kuwā na

sangurusko na fumu yane, ine muchekuru, ndipo iyo muchekuru, nayoso? Ndipo ndopa yake ya umoyo njakufwa, ndipo nthumbo yane yiri kuwomira. Bere lane liri kufwa; misempha ya mkaka yiri kufwa. Kasi ine niwenge nayo uli uyu?"

¹⁴⁰ Chiuta wakati, "Ine ndalayizga ichi. Iyo wafikenge, munthowa yiriyose!"

¹⁴¹ Ndimo wakachitira Wesley, "Kasi ise tingawazomerezga uli iwo kuyowoyanga malilime, na machirisko Ghauzimu, na vinthu. Ichi ntha ntcha ise mu nyengo iyi."

¹⁴² Chiuta wakati, "Ine nkhalayizga, 'Mu mazuwa ghaumaliro Ine ndizamkupungulira Mzimu Wane pa wanthu wose.'" Iyo wakalayizga kuchita ichi, ndipo Iyo wakarutirira ndipo wakachita ichi, munthowa yiriyose. Ndipo mpingo wa Wesley, na walongosi wake wose wachokowachoko wa ufu wa m'aluwa, wa Baptist, Prezibetere, na Mpingo wa Khristu, na wa Nazerene, Pilgrim Holiness, United Brethren, na wanyake wakale, wakafwira nkhanira pamoza na ichi. Ndipo Mpingo ukarutirira.

Sono kasi Pentekosite wakachita vichi? Wakupanga bungwe, kuyana waka na chikantha. Ichi chikachita chinthu chenechira. Ichi chikapanga bungwe pamoza, chikajikhazikiska ichochekha ngati chikantha. Uwo mbunenesko.

¹⁴³ Pentekosite waka wa ngati Mariya. [Pa tepi pali je kalikose—Munozgi.]... chiphikiro cha chipentekosite, wonani icho Mariya wakachita. Kasi Mariya wakachita vichi chakwanangika? Pa chiphikiro cha chipentekosite, nyengo yimoza, iyo wakakumana na gulu la wakuchindikika, wasofi. Apo, Mwana wake, iyo ntha wakamanya kumusanga Iyo kulikose. Ndipo iyo wakawerera kunyuma, ulendo wa mazuwa ghatatu.

Iyo wakamusida Iyo. Ngati mpingo wasono muhanyauno, pafupifupi katatu kwandaniska na kankhonde, panji twente-fayivi, ndimo mpingo wamusidira, pafupifupi virimika fifite vyajumphu, panji sevente-fayivi.

¹⁴⁴ Wakamusida Iyo pa chiphikiro cha pentekosite. Mariya wakawerera kunyuma na Yosefe, mazuwa ghatatu, kupenjanganga Iyo. Iyo wakhala wakumupenja Iyo, ntha wakamusanga Iyo.

Iyo wakamusanga Iyo. Kasi iyo wakasanga vichi? Iyo wakamusanga Iyo mu tempile, kudumbirananga Mazgu gha Chiuta na wasofi. Ndipo nkhanira panthazi pa wasofi wara, wara wakuchindikika, Mariya wakakhizgira chidiko pasi. Iyo ndendende wakachita chinthu iyo ntha wakayenera kuchita.

Kumuchema iyo, "Chiuta; nyina wa Chiuta?" Mama wakwenera kuwa na vinjeru vikuru kuruska mwana wake.

Ndipo iyo wakati, "Dada wako na ine takupenja Iwe na masozi, muhanya na usiku." Nhu! "Dada wako na ine,"

kuyowoyanga kuti kubabika kukaŵa kwauzimu chara, kuti Yosefe wakaŵa wiske wa Yesu. Iyo wakakana kubabika kwauzimu.

Pentekosite wakatora kuyowoyanga malilime. Iwo ŵakakana Kubabika kwa Mazgu. Icho ndicho ndendende uwu ukachita. Uwu utorenge vinandi mwakuti vya Ichi, kweni nthu utorenge vyose vya Ichi. Uwu ukakana Kubabika kwa Mazgu, ngati ndiumo Mariya wakachitira. Kweni, wonani, ghazamkuŵakoso chara mabungwe pamanyuma pa Ichi.

¹⁴⁵ Wonani Mazgu Ighoghene, kweni, virimika thweluvu vyakubabika, kanthu waka kachoko uko mu chikantha, Iyo wakati, “Kasi imwe mukumanya chara Ine nkhu yenera kuŵa pa ntchito ya Ŵadada Ŵane?” Mazgu ghakanjirikizga mpingo, nkhanira penepara.

¹⁴⁶ “Kasi iwe ukuchitira njani vinthu vyose ivi? Iwe ukumanya iwe nthu ungachita *ichi*. Ise tijarengenge miryango yithu; ise tikuzomerezgenge chara iwe kunjira.”

¹⁴⁷ “Pakuti imwe mukumanya chara kuti Ine nkhu yenera kuŵa pa ntchito ya Ŵadada Ŵane?” Mukuwona? Nadi, nadi, chauzimu chaunenesko!

¹⁴⁸ Wakayezga, iyo wakamuzunura waka Iyo kuŵa mwana wa Yosefe, munthu bweka. Panji, icho Pentekosite wakachita, wakamuzunura waka Iyo kuŵa “yumoza wa ŵatatu.” Whi! Ine nkhumanya icho chikupweteka, “yumoza wa ŵatatu.” Kweni Iyo wakaŵa wose ŵatatu, mu Yumoza. Iyo nthu wakaŵa yumoza wa ŵatatu. Kweni wa Pentekosite, “O, inya, Iyo ndi Mwana wa Wiske, wa Mzimu Mutuŵa, pamanyuma . . .” O, mwe!

Kweni gheneko, Mazgu ghaneneska ghakuyowoya pakweru, ndipo ghakati, “Pali ŵatatu chara ŵa iwo. Pali yumoza wa iwo.” [Pa tepi palije kalikose—Munozgi.] Amen. Imwe mukughamanya chara Mazgu gha Chiuta? Nthu mungapanganga ichi kuŵa yumoza wa iwo; kweni Yumoza.

¹⁴⁹ Wonani, chizamkuŵakoso chara chakunyamulira, mipingo mama, mabungwe, pamanyuma pa chakunyamulira ichi chikantha.

¹⁵⁰ Chifukwa, pamanyuma pa chikantha, kulijeso chinyake, kulije chinyake chikasidikako pa nyengo yira kweni Njere pera. Ndi unenesko uwo? Iyi yikwenera kuŵa Njere. Iyi yikwenera kuŵa mtundu weneula uwo ukanjira mu dongo, Yesu Khristu mweneyura mayiro, muhanyauno, na muyirayira, Mzimu ukiza pa Mkwatibwi kuti uchite vinthu vyenevira ivyo Iyo wakachita. Mukuwona? Ndi kwandaniskikaso kwa Njere.

¹⁵¹ Mazgu, kweni ghanichi, ghakajiyowoyera Ighoghene, “Ndipo mukumanya chara kuti Ine nkhu yenera kuŵa pa ntchito ya Ŵadada Ŵane?” Nhu!

¹⁵² Pali chisisi cha Uthenga sono, nkhanira ndendende, “ntchito ya Wadada.” Kasi ntchito ya Wadada ndi vichi?

Kasi imwe mungamanya kughanaghanira kasi ntchito ya Wadada yikaŵa vichi, mwa Iyo? Kukwaniriska icho Yesaya wakayowoya, “Mwali wazamuyima.” Kukwaniriska icho Yesaya, wakayowoyaso, “Wakupendera wazamkuduka ngati nyiska,” ndipo vinthu vyose ivi vizamuchitika. Umo Moses wakayowoyera, “Yehova Chiuta winu wazamuwuska Muprofeti, pakati pinu, wakuyana na ine.” Yikaŵa ntchito ya Wadada, kuti wakwaniriske Mazgu ghara.

Inya, usange chira chikizira mu mithibiri yira, ya wanakazi ŵa kuthupi ŵara; mukuti uli na mithibiri iyi yauzimu, wanakazi mipingo? Mipingo chikung’anamura wanakazi, wanakazi chikung’anamura “mipingo,” mphanyiko. Ndi unesko uwo?

Mwantheura ichi ntchivichi sono? “Ise tikwenera kuŵa pa ntchito ya Wadada ŵithu,” Tirigu wangamanya kuchemerezga, Njere. Inya, bwana. Kasi iyi yikwenera kuchita vichi? Kukhozgera Malaki 4, kukhozgera Luka 17:30, kukhozgera Waheberere 13:8, kukhozgera Yohane Mutuŵa 14:12, kukhozgera Mazgu Ghake ghose. Kukhozgera Waheberere, ine nkhang’anamura... Chivumbuzi, chipatulo 10, za kujurika kwa Vididimizgo Seveni, na vyamchindindi vya Chiuta; nanga nkhuŵika ku mbewu ya serpente, na vyose, vizamkuwonekera; nthengwa na kupatana na vyamchindindi vinyake vyose ivi ivyo vyakhala vikubisika kusi kwa mizati pa virimika vyose ivi, kufumira ku wakusambira vyauchiuta na wanyake nthaura, kweni ili sono ndi ora. Ndiyo ntchito ya Wadada.

Mukughanaghana kuti iwo wangapokerera Ichi? Iwo wakukhumba kuchindikika, na kuti, “Bungwe lithu ntha likutisambizga ise Icho.” Kweni Baibolo likuchita. Uwo mbunenesko.

¹⁵³ Chiuta wakukhozgera Ichi kuŵa unesko. Nadi, Ichi chikukwaniriska muwiro uwu, apo Vididimizgo Seveni... Panji, kusimikizgiranga waka kuti mabungwe ghakaŵa waka vyakunyamulira, iyo ndi yinyake yimoza ya ntchito za Wadada, kusimikizgira. Ndipo ntchito ya Wadada sono ndi kumuwoneskani imwe kuti mabungwe ghara ndi Ghake chara. Ighe ndi mayendeskerero ghakupangika na munthu agho ghakukana Mazgu gha Chiuta. Unesko. Wonani.

Imwe mukuti, “Inya, Mariya, mwa- . . . mwali mukuru!”

¹⁵⁴ Pa mphinjika Iyo ntha wakamuchema iyo, wake, “mama.” Iyo wakamuchema iyo, “mwanakazi,” chakunyamulira, mama chara. Mukuwona? Unesko, iyo wakaŵa chakunyamulira Mazgu, kweni iyo wakaŵa Mazgu chara. Iyo wakaŵa Mazgu. O, inya.

¹⁵⁵ Wonani, kweniso, iyo ntha wakamanyikwa mu chiwuka pamoza na Iyo. Iyo wakafwa ndipo wakawukaso, chifukwa

Iyo wakaŵa Mazgu. Iyo wakaŵa waka chakunyamulira. Iyo wakafwa, ndipo wachali mu dindi. Uwo mbunenesko. Ntheura, iyo wakaŵa chakunyamulira, nthama mama Wake, nthama Chiuta. Iyo wakaŵa waka chakunyamulira umo mipingo yiliri. Uwo mbunenesko. Chikuwoneska kuti iyo wakaŵa waka chakunyamulira, Mazgu charu.

¹⁵⁶ Tiyeni tijare pa kuyowoya ichi. O, ŵachabaŵi ŵa Pentekosite, kudukaduka kuzingilira ngati ŵakhwakhwaŵi, kutorako vya charu ngati ndiumo ŵanyake wose ŵa iwo ŵakuchitira, “kuŵa na kaŵiro kauchiuta, kakukwanira kupuruska Wakusoreka usange ntchamachitiko, kweni kukananga Nkhongono ya ichi,” umo wakuyowoyera muprofeti apa. Chiyerezgero chakufikapo cha icho Mazgu gha Chiuta ghakati ichi chizamkuŵa mu mazuŵa ghaumaliro, muwiro wa mpingo wa Laodikeya, “wankhuli, wachiburumutira, wachitima, ukavu, usokwano, ndipo nthama ukumanya ichi; kuyowoyanga kuti uwu ngukuru ndipo ngwachuma, ‘nthama ukusoŵerwa kalikose.’” Ndipo ukumanya chara kuti uwu uli kusintha kufuma ku chabaŵi, m’bale wakuyanako na muprofeti, kuti wasungirire Mazgu gha Chiuta mwakunyoroka; uwu wazgoka khwakhwaŵi, ndipo ukuryeska ŵanthu upharazgi wakufwa wa ŵakalulu. Nkhanira ndendende. Pamphuka! Mwe, kasi imwe mukukhazga uli kuti mumanyiskikenge, panji kuŵa ŵahaliri pamoza na nombo, apo vinthu vyantheura ngati ivyo mu ora likuru ili apo Mkwatulo uli pafupi?

¹⁵⁷ O, Mukhristu, o, wakugomezga, usange iwe ukaŵa wakugomezga pachoko, rutirira kwizanga ku maungano pa kanyengo kachoko waka (uchitenge iwe?), ise tiri na chinyake apa icho ine nkugomezga Fumu yikukhumba kuti iwe umanye.

Nyengo yamara; ine ningarutirira chara. Ine nkhuenera kuti ndijare, na kuzakamalizga namachero usiku. Kweni, wonani, tiyeni tisindamiske mitu yithu pa kanyengo waka.

¹⁵⁸ Ine nkukhumba chara kuti imwe mulaŵiskenge pa galamara iyo ine nkhwiriska ntchito, kweni ine nkukhumba kuti imwe mukhale tcheru miniti pera ku icho ine nanguyowoya. Ichi chiri pakweru mwakukwanira kuti imwe mungamanya kupulikiska ichi, ine nkugomezga, usange imwe mukukhumba kuchita. Usange imwe muli muno usiku uwu, ndipo imwe mulije chakumuchitikirani ichi. . .

Ine nthama nkhati. . . Imwe mukuti, “Ine ndavina mu Mzimu, kudukaduka pose zingirizge.” Inya, ŵachabaŵi ŵakuchita chinthu chenechira, kuyana waka na ŵachaholi na ŵakhwakhwaŵi. Ine nkhumufumbani icho chara.

Kasi imwe mukurya vichi? Kasi imwe mukutorankhu chakurya chinu cha zuŵa lililose? Kasi imwe mukuryankhu, ku Mazgu gha Chiuta panji ku chinyake chakuvunda icho chikagwiriskika ntchito kale, virimika na virimika vyajumphapha?

Kasi chakukuchitikira chako, nanga ndi usiku uwu, na chinyake icho iwe ukasora virimika vinandi vyajumphha; panji kasi ichi ntchafureshi na chiphya usiku uwu, Mana ghaphya agho ghawa waka kufuma Kuchanya, ndipo iwe ukuryeska uzima wako pa Ichu, kukhazganga namachero chinyake chiweme na chankhasako namachero? Usange iwe nthu uli mwantheura umo, sono na mitu yinu yakusindama na maso ghinu ghakujara, na mitima yinu yakusindama, jifumbe wamwene fumbo ili lakufikapo. Ndipo nthu kwa ine, kweni kwa Chiuta, uli iwe ukwezge woko lako mu ukaboni, wa kuyowoyanga ichi, “Chiuta, nozgani uzima wane na mzimu wane, mwakuti ine ningamanya Mazgu gha Chiuta pera.” Uli iwe ukwezge waka woko lako, kuti . . . Chiuta wakutumbike iwe. Chiuta wakutumbike iwe.

¹⁵⁹ Ine nkhumanya chara ndendende kasi ndi walinga wali muno, walimo, usiku uwu. Ine ndiri mujira chomene pa kusachizga unandi wa wanthu, kweni ine ndiyowoye kuti pafupifupi chigawa chimoza pa vitatu, panji kujumphirapo, wakwezga mawoko ghawo, kuti iwo wakukhumba mauzima ghanozgeke makora. Tiyeni tikumbukire mu kuromba sono apo ise tikusindamiska mitu yithu.

¹⁶⁰ Chiuta wakutemweka, ine ndiri na udindo wa kuyowoyanga waka Mazgu. Ndipo na izi zakuphweka ntharika zipusu, vilinganizgo vichokovichoko, wanthu wakuwona kuti yumoza nthu wazamkuwa muhaliri pamoza na munyake. Ndipo ise tikumanya kuti mu mazuwa ghaumaliro wazamkuwako wanthu awo wazamkwatulika kunjira mu Machanya, ndipo wanyake wa iwo wazamkuwa kuno para Yesu wakwiza. Ndipo ise tikukhazga Iyo kuti wafike nanga ndi usiku uwu.

¹⁶¹ Ndipo ine nkughanaghana za sate, pafupifupi sate panji virimika sate-firi vyajumphha, nkhwagwada apa panyake nyengo iyi ya usiku, chamudera mu nayini-sate panji teni koloko, kuromberanga dada uyo waka wa wakutayika. Usiku uwu, Fumu, ine nkhurombera wadada wanandi, wamama wanandi, na wabale na walongosi. Muwenge na lusungu chara Imwe, Chiuta wakutemweka? Nyengo yamara chomene kuti adada wane wachitepo chinyake za ichi; iwo wali kujumphha mphaka za umoyo. Ndipo mwasonosono, Fumu, ise tose tiyenderenge nthowa yira. Ine, naneso, nkhuwenera kuyenda nthowa yira. Mwanarumi waliyose na mwanakazi, mnyamata panji msungwana, muno, wakwenera kuti wayendere nthowa yira. Ndipo ise tamkupataula pa icho ise tikuchita na Mazgu gha Chiuta.

¹⁶² Umo munthu yura wakawonekera wakupusa, mu maso gha David, para iyo wakamuthunyiranga iyo! Umo wanthu wara wazamkughanaghana kuti mbakupusa, awo wakamuthunyira Yesu Mazgu, para Iyo wakwizaso, na iwo weneawo wakamuvotora Iyo. Umo wanthu wazamkujiwonera wakupusa chomene awo wangamanya kufumapo pano na

kuwona nanga a...ntha nanga ndi m'mazgu ghanyake gha Chigiriki, na ghanyake ntheura, kweni mu chilengiwa cha pakweru icho chikutisambizga ise Chiuta Mlengi; wangamanya kuwona vyakunyamulira vya Mazgu, na kuwona Mazgu Ighoghene, na kumanya ora ise tikukhalamo, ndipo nyengo yakuvuna yiri apa.

¹⁶³ Chiuta wakutemweka, mungazomerezganga chara ise tilazgireko msana withu ku Ichi, chifukwa cha kupusa kunyake kwa charu, kweni mutizomerezge ise usiku uwu kuti timupokerere Iyo na mtima withu wose. Fumu, lengani mwa ine mzimu uweme, Mzimu wa Umoyo, mwakuti ine ningamanya kugomezga Mazgu Ghinu ghose, na kumuzomera Yesu Mazgu, mwenyura mayiro, muhanyauno, na muyirayira, na kugomezga muhanyauno pa gawo ilo liri kugaŵikira ku muwiro uwu. Perekani ichi, Fumu. Ine nkhuromba ichi mu Zina la Yesu.

¹⁶⁴ Ndipo sono ine ndifumbenge waliyose wa imwe, apo imwe muli muno ndipo mukughanaghana za ichi, nkhanira mwakufikapo. Ise tirije mpingo wakuti imwe mujoyineko. Ise tiri na chiziŵa kusika kula kuti imwe mukabapatizikiremo, "Apo ŵanandi awo ŵakagomezga ŵakabapatizika," usange imwe nthu muli kubapatizika mu ubapatizo wa Chikhristu. Icho nthu chikung'anamura kuwazgirika, kupungulira; icho chikung'anamura mwa kubizgika. Nthu mu udindo wa Wiske, Mwana, Mzimu Mutuŵa, kweni mu Zina la "Yesu Khristu," ngati ndiumo mpingo wose ukabapatizikira, mpaka mpingo wa Katolika mu 303 ukasambizga ŵachiuta ŵatatu na mitundu yitatu ya ubapatizo, mu utatu wa maudindo. Usange imwe nthu muli kuŵa nawo uwo, namachero mlenji pa teni koloko ghalipo malaya na vinthu kulindizganga imwe kusika kula.

¹⁶⁵ Mufikenge chara imwe na kubatikana na Yesu Khristu, na ise chara. Ise tirije mpingo nanga ndi kuno kuti umupwerereni imwe. Rutani ku mpingo uliwose imwe mukukhumba kuruta, kulikose imwe mukufumira, kweni, chonde, gomezgani Mazgu agha. Kasi imwe mukugomezga ichi? Yowoyani, "Amen." [Gulu likuti, "Amen."—Munozgi.] Chiuta wamutumbikeni imwe. Nkhuromba imwe muchite. . .

¹⁶⁶ Chiripo chinyake ise tingamovwirani imwe, ise tiri kuno kuti tichite ichi.

¹⁶⁷ Sono, ine nkhumanya muli ŵarwari muno. Nyengo yithu yatimarira ise, usiku uwu, kuti tipange pemphero la pamzere. Panyake ise tichitenge ichi, munthowa yinyake. Ine nkukhumba waliyose wa imwe wandichitire chinyake ine. Iwe wakhala kufupi kwa muniyake; ŵika mawoko ghako pa munthu yura.

Ndipo kwambura nkhaiyiko iwe ukuŵika woko lako pa nombo, panyake nombo iyo yakhala yikurya chakurya chinyake cha khwakhwaŵi kumalo kunyake; yarwara nacho ichi. Iwo ŵakuchikhumbaso chara ichi. Iwo ŵakukhumba kuti

ŵafumemo mu ichi. Iwo ŵarwara ndipo ŵavuka na ichi. Ŵali muno usiku uwu ndipo ŵakuwona icho nombo zikumanya kurya, Mazgu ndipo ŵali na Khristu wamoyo kukhalanga pakati pawo, kujiwoneskanga Iyomwene wamoyo, mweneyura mayiro, muhanyauno, na muyirayira. Iwo ŵakukhumba chara kuŵa ŵahaliri pamoza na makantha; igho ghawotchekenge. Viswaswa vyose na vinthu viwotchekenge. Bungwe likwiza kuzakatchaya Tirigu wafumemo. Iwe ukukhumba kuŵa Tirigu.

¹⁶⁸ Ŵalipo ŵanyake ŵa iwo awo mbarwari, ŵanyake ŵa iwo mbarwari kuthupi. Ine nkhukhumba kuti iwe urombe, nombo. Rombera m'bale wako, mlongosi nombo uko, apo ine nkhurombera imwe apa. Nkhuromba Mzimu wa Chiuta ufike pa imwe.

¹⁶⁹ Kumbukirani, ine nkhumupani imwe Chakurya cha nombo, phangano la Chiuta. Iyo wakuchema ŵaprofeti Wake, “nombo.” Iyo wakujichema Iyomwene “Nombo,” Iyo ndi Yehova Nombo. Ndipo apo imwe muli na mawoko kuŵikika pa yumoza na munyake, ŵarombereni iwo.

¹⁷⁰ Ŵadada ŵithu Ŵakuchanya, Mazgu Ghinu ghakayowoya, kutuma kwaumaliro Imwe mukapereka ku Mpingo Winu, kukaŵa, “Rutani mu charu chose, ndipo mukapharazge Ivangeli,” maranguro ghachisanisani, “iyo mweneuyo wagomezga ndipo wabapatizika waponoskekenge; iyo mweneuyo wakugomezga chara wasuskikenge. Vimanyikwiro ivi viŵarondezgenge iwo ŵeneawo ŵakugomezga; mu Zina Lane iwo ŵazamkufumiska viŵanda; iwo ŵazamkuyowoya na malilime ghaphya; usange iwo ŵamwenge chinthu chirichose chakukoma, ichi chiŵapwetekenge chara iwo; usange iwo ŵakorenge njoka, izo ziŵapwetekenge chara iwo; ndipo usange iwo ŵaŵika mawoko ghawo pa ŵarwari, iwo ŵachirenge.”

O Yehova Nombo, ryeskani Ŵinu ŵachoko usiku uwu na Mazgu, Fumu. Iwo mbakusoŵerwa. Icho ndi chakurya iwo ŵakukhumba. Ndicho iwo ŵakukhumba, kuti ŵamanye kasi Chakurya ntechichi, icho NTHEURA WAKUTI YEHOVA wali.

¹⁷¹ Imwe mukalayizga, usange iwo ŵaŵika mawoko ghawo pa yumoza na munyake, kuti iwo ŵachirenge. O Fumu Chiuta, fumiskaniko nkhayiko zose na fundo za ŵakhwakhwaŵi kwa ise sono. Ndipo ise tirye mwakufikapo Chakurya cha Nombo, cha Mazgu gha Chiuta.

¹⁷² Zomerezgani mzimu wose waukazuzi uwo uli mu ŵanthu aŵa, mzimu uliwose wa nkhayiko, mzimu uliwose wa mantha, kudemerera kulikose kwa ku bungwe, chizgoŵezi chirichose, urwari uliwose, nthenda yiriyose iyo yiri pakati pa ŵanthu, yifumepo. Mu Zina la Yesu Khristu, nkhuromba iyi yifumemo mu gulu ili la ŵanthu. Ndipo nkhuromba iwo ŵaŵe ŵakumasuka kufumira ora ili na kunthazi, mwakuti iwo ŵangamanya kurya Chakurya cha Nombo icho ise

tikugomezga kuti Imwe mutitumirenge ise mu sabata yose, Fumu, kumasuranga Vididimizgo vira na kutiwoneskanga ise vyamchindindi ivyo viri kubisika kufumira ku mtendeko wa charu, umo Imwe muli kulayizgira. Iwo mbinu, Wadada. Mu Zina la Yesu Khristu. Amen.

¹⁷³ Mose imwe mukugomezga na kuzomera, yimirani ku marundi ghinu, yowoyani, “Ine nkhubomezga. Ine nkhubomera. Icho cheneicho Chiuta wakandilayizga ine, ine nkhubokerera.” [Gulu likuyimirira na lizgu la kuzomera—Munozgi.]

Fumu yimutumbikeni imwe. Icho ntchiweme. Munthu waliyose wayimirira! Icho ntchiweme.

Chuni, *Ine Nkhumutemwa Iyo*. Tiyeni tiyimbe sumu iyo kwa Iyo pamanyuma, “Ine nkhumutemwa Iyo, ine nkhumutemwa Iyo chifukwa Iyo wakadanga kunditemwa ine.” Tose pamoza sono.

Nkhumutemwa Iyo, (usange imwe mukuchita, tiyeni tikwezge mawoko ghithu)
Nkhumutemwa
Chifukwa Iyo wakadanga kunditemwa ine
Ndipo wakagura chiponosko chane
Pa Mphinjika.

¹⁷⁴ O, kasi Iyo ngwakuziziswa chara? [Gulu likuti, “Amen.”—Munozgi.] Tiyeni tikorane chasa yumoza na munyake. M’bale, nombo, ng’anamuka waka, mlongosi, koranani vyasa, apo ise tikwimba iyi.

Nkhumutemwa Iyo, . . .

M’bale, nombo! M’bale, nombo! M’bale, nombo, kupharazganga Mazgu! Chalrie, kasi iwe uli makora? Chiuta wakatumbike iwe, m’bale. Nakondwa kukuwona iwe! Chiuta wakatumbike iwe, m’bale. Chiuta wakatumbike iwe, m’bale, nombo. Chiuta wakatumbike iwe.

Pa Mphinjika.

Tiyeni tikwezgeso mawoko ghithu kwa Iyo.

Nkhumutemwa Iyo, nkhumutemwa Iyo
Chifukwa Iyo wakadanga kunditemwa . . .
(ndipo Iyo wakakupanga iwe nombo)
Ndipo wakagura chiponosko chane
Pa Mphinjika.

¹⁷⁵ Kasi iwe umanyenge uli, kasi charu chimanyenge uli kuti iwe ukumutemwa Yesu? Para ise tikutemwana yumoza na munyake. Umo ndimo charu . . . Wonani, Chiuta wakuwona chipulikano chako; charu chikuwona vyakuchitika vyako. Temwanani yumoza na munyake sono. Muwe wachisungusungu kwa yumoza na munyake. Yowoyeskanani yumoza na munyake. Zizipizgiranani yumoza na munyake.

Ndipo malangizo ghakurutirirapo ise tingamanya kupereka, ubapatizo, kupenjanga Mzimu Mutuwa...Ise tirije vipinda virivyose muno kuti tichitiremo icho, imwe pulikiskani. Kuchemera ku guwa, usange Chiuta wakukhoromweska iwe kuti Uwu ndi unenesko, kuti Yesu Khristu ndi mweneyura mayiro, muhanyauno, na muyirayira, ndipo imwe mukukhumba kuti mubatikane na Iyo, rutani ndipo mukabapatizike mu Zina Lake, namachero. Kwamkuwa wanthu kula awo wamkumunjirikizgani imwe. Chirichose ise tingamanya kuchita kuti timovwirani imwe, ise tichitenge ichi.

Nkhumutemwa Iyo, nkhumutemwa Iyo

Imwe mukupulikizgira pa mafoni sono, Tucson, uko mu California, kutali uko Kuvuma, kwezgani mawoko ghinu, kutali uko mu a . . . ? . . . Murumbeni Iyo!

Wakagura chiponosko chane

(Kasi ndinjani watifumiskege? Perekani ichi kwa M'bale Neville . . . ? . . .) Sono, mpaka namachero usiku, ine nkhumupani imwe M'bale Neville, mliska withu.



MBEWU NTHA NJIHALIRI PAMOZA NA CHIKANTHA CTK65-0218
(The Seed Is Not Heir With The Shuck)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chinayi kumise, Feburuware 18, 1965, pa Parkview Junior High School mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2018 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org